

四庫全書

史部

欽定四庫全書

史部

史記御製序

目錄

詳校官侍讀學士_臣陸伯焜

洗馬_臣王坦修覆勘

覆校官中書_臣陳林

校對官中書_臣孫希旦

謄錄舉人_臣朱錫彤

欽定四庫全書

御製重刻二十一史序

七錄之目首列經史四庫因之史者輔經以垂訓者也
尚書春秋內外傳尚矣司馬遷創為紀表書傳之體以
成史記班固以下因之累朝載筆之人類皆嫻掌故貫
舊聞旁羅博采以成信史後之述事考文者咸取徵焉
朕既命校刊十三經注疏定本復念史為經翼監本亦
日漸殘闕併勅校讐以廣刊布其辨謠別異是正為多

卷末考證一視諸經之例明史先經告竣合之為二十
二史煥乎冊府之大觀矣夫史以示勸懲昭法戒上下
數千年治亂安危之故忠賢奸佞之實是非得失具可
考見居今而知古鑒往以察來揚子雲曰多聞則守之
以約多見則守之以卓豈不在善讀者之能自得師也
哉

乾隆十二年二月朔

御製讀史漢書有感

兩人促膝語彼此不洩露所語竟誰傳而史以為據甚
至惟一人心跡隱未吐祇恐他或知炳然乃傳後叶發
潛信賴史紀訛亦屢屢盡信不如無不求甚解悟此皆
非常人卓識有別具固遠不逮遷翻訾有抵牾叶後人
復不逮而更妄非固嗚呼聖賢門却成是非路

欽定四庫全書

卷一百一十五

御製讀史記隨筆

遷史始自黃帝類皆網羅舊聞其世職卓才則備
見於漢興以來諸紀載所謂千秋良史信無愧焉
壬申秋獮塞上率以寅往哨鹿及晡罷圍虎帳幾
餘輒快讀終卷因掇漢君臣事蹟關於治亂者紀
之他不復及畧分世代隨得即書不為詮次云

業定關中治已周山河帶礪建諸劉小嫌何足傷親誼
櫟金翻為羹頡侯

指示功人第一宜所嘉更在舉宗隨鄭侯劍履登朝日
可憶絕生進策時

善罵無妨仍好士一時割愛重鬚眉恢宏大度有如此
豈係留侯計出奇

借箸前籌纔數語漢家基業肇千年趣銷趣刻如兒戲
從善端知若轉圜

販繒屠狗自嬰樊附驥恩流逮子孫撫拾成編端委具
却因他廣備為言

三議堂堂建宋昌大橫吉兆應重光文休景養培元氣
何異周家或與康

五利文成疊受封公孫纔見大人踪惟應駕海神鞭石
一節還教讓祖龍

故衣獨步越丰姿俛泣低頭恨可知尹亦自饒真藻鑑
褚先生論更堪思

田竇相傾勢利關灌夫引重為居間却因杯酒媒深禍
首鼠轅駒盡腴顏

數奇受誡部書催豈大將軍特忌猜責簿刎身人盡惜
殺降應悔有由來

鈞戈雲陽遇暴風娥姁肇禍實無窮少孫漫許為賢聖
豈是千秋定論公

一文一質變相生陳粟相因露積羸黷武求仙平準創
炎劉治亂此分明

御製讀史記文帝紀

文帝信云仁清靜以為治惻隱除肉刑民租每蠲賜此
已足千古史貴傳正義而何司馬遷博載失精粹如云
慎夫人衣乃不曳地設誠敦朴儉銅山又何謂張武受
金錢加賞使心愧瘳惡盡若斯尚廉誰則勵觀其任復
土母乃有深意慨然歎史難寧云責賢備

御製讀漢文帝贊率題

罷臺自屬敦勤儉記載寧無稍失真設使蜀山畧分賜
早教衣蔽慎夫人

卷之六

七

御製讀史

晏子為齊相駟馬駕高軒旌旗夾兩途大蓋擁其前御
者尚揚揚意氣甚哆然乃其自不足深心在式轅智哉
御者妻識之闕門間讀此可自警匪為嬰薦賢

御製讀平原君傳

公子稱竅賢食客至數千高樓臨民家躡者行盤跚美人忽臨見倩兮巧破顏明日躡者至謁君抗辭前願得笑者頭君哂未許焉舍人稍引去怪問始知然愛色而賤士誰肯相周旋爰斬美人頭謝罪自造門門下乃復來相傾文歇間卒得穎脫力定從自楚還一笑知何人其事况經年美人誠然乎胡乃致客還史公每好奇于斯見一斑

御製詠史

范叔因王稽奔秦號張祿使舍食草具歲餘未見錄言
外觀俯仰稍以中其欲既信乃言深言行穰侯逐拜相
受土封顯榮快衷曲微服紿須賈莖豆明示辱一飯德
既報睚眦怨亦復鄭安平云叛河東守乃戮臨朝歎昭
王辯計兩窘束蔡澤聞之來志匪同庸碌持梁刺齒肥
四十三年足雄談悟應侯知止全身福罷相遂代之數
月退何速二子蹟畧同因時互傾覆鄙哉勢利徒明鑒

昭往牘

御製詠史

范叔困說力擔石乏自資
蚩緣事須賈客乘役之齊牛
酒不敢受賈聞猶怒私告相
相亦怒折脇行刑笞佯死
卷以簣乃得免禍危姓名易
張祿伏匿恐人知幸得鄭
安平薦剡歸王稽橐載避秦
相待命復歲餘叶上書慢
言外觀王俯仰姿計行乃言
深封侯不逾時微行諗須
賈綈袍憐賜之御以入相府
先入怪久後門下告之故
肉袒謝罪遲三罪既庭數馬
食縱以歸德必償一飯怨

亦報睚眦叶安平旋降趙王稽坐法誅叶蔡澤遂適秦
相位竟奪其機謀誇百變時窮安能為是始還是終小
智真火癡

御製詠史

戰國多說客秦漢風尚存茅焦感始皇鄒陽悟長君知
心以說當秘訣韓吃論觸讐悅燕媼或嘉納牖言苟其
盡忠欺詎在口給便帝堯斥囂訟視子共驩倫

御製讀季布傳

季布無二諾豈非任俠士受辱不為羞猶曰欲信去聲已

冒頓遺漢書謾言輕呂雉以有易所無主辱臣誼死高
后亦發怒議欲誅其使樊噲願橫行十萬兵足矣布曰
噲可斬平城禍堪指惡言不足怒美言不足喜卑辭奉
車駟無罪幸赦耳一時患固弭萬古羞難洗史遷乃肆
之大失遵養旨

御製讀史記大宛傳

大宛之跡見張騫去漢萬里俗耕田多善馬號天馬子

屬邑七十餘城焉遷僅耳聞非目覩以今證古多訛傳

哈薩克或康居是

舊傳哈薩克為古大宛向已辨其非今考哈薩克不但無城郭與大宛異

且其地當準噶爾西北兩面準噶爾為漢烏孫證以漢書烏孫西北與康居接之文則今哈薩克當為古康居

也
大宛則實安集延

安集延地控葱嶺其東與布魯特錯處漢書稱休循出葱嶺西捐毒

與葱嶺屬西北皆當大宛按休循捐毒本塞種無城郭當即今布魯特又西北為安集延諸部皆有城郭土著

與史記所言相合
自當為古大宛地

善馬率出哈薩克伊犁來鬻歲數千

哈薩克每歲驅馬數千至伊犁以內地綢緞易之價廉而多得良馬詳見舊作及白居易陰山道樂府詩註

安集延雖亦有馬素乏良騎來天閑且哈薩克無城郭安集延原村落連昔之大宛今鮮馬今哈薩克非大宛彼其漢事尚謬記何況異域懸天邊皇輿西域輯圖志一

一徵實登諸篇但考古即誤於古

平定津部四部以後分命大臣駐守其道

里土俗衆皆熟悉且曾遣使測量是以皇輿西域圖志所載悉由核實惟考古仍不能不資史漢諸書而遼國輩記中國事尚不免失誣其言異域必更傳訛習誕今雖據為考證恐所訂究不足信耳斯之未信

吾殷然

御製讀伯夷列傳

夷齊不食周粟蓋謂義不仕周受祿貧餓以終其身而
死耳自司馬遷有采薇食之遂餓死首陽山之言而譙
周古史考遂舉野婦之語以實之後世率謂夷齊果不
食而餓餒以死夫夷齊大節固在不仕周而不在死與
不死也而遷乃更舉顏淵盜跖之事謂天之報施善惡
有或爽者夷齊之死有或怨者此則大謬而不可以不
辨也蓋窮通壽夭人事之適然而善惡邪正天道之至

公千載之下以夷齊顏淵為何如人以盜跖為何如人則夷齊之死固不怨使其怨當早食周粟而求生矣殺身成仁者豈皆怨乎孔子曰不怨天不尤人遷實未知此耳彼其犯國法身殘處穢動而見尤憤懣不堪怨天尤人謬論天道之是非是以遷之心為夷齊之心而夷齊必不若是也余故以為大謬而不可以不辯也

御製讀史記儒林傳

司馬遷曰周室衰而闕雎作王應麟撰玉海因引揚子
周康王時頌聲作乎下闕雎作乎上習治也習治則傷
始亂謂齊魯韓三家以為康王政衰之詩又引楊賜傳
云康王一朝晏起闕雎見幾而作夫康王晏起不見於
經書是誤用宣王之事實之也齊魯韓三家之詩雖先
出於史記然總出於夫子之後信三家不如信夫子
曰闕雎樂而不淫哀而不傷是誠王化之始豈有衰世

之譏哉司馬遷所云蓋指孔子傷周室衰微王道不行
故即繼之曰論次詩書修起禮樂云云關雎作者周南
之首章即刪詩之義耳且如稱堯典可以貫全書則稱
關雎亦可以該全詩而于康王始衰乎何有況舉守成
之善者必曰周有成康亦不見其有荒政也朱子謂詩
傳直以為文王后妃時所作蓋本毛萇之義可謂具有
卓識而未言三家之失於傳訛茲故申而論之

和碩和親王臣弘晝等上言臣等奉

勅校刻二十一史告竣恭呈

睿鑒臣等謹奉

表恭

進者伏以

帝治綜百王宏啓汗青之簡

皇圖軼三古重輝竹素之書

大一統以垂庥遍蒐柱下

錄千秋而作鑑悉發名山刻玉鏤瓊不煥龍盤之寶
字披雲撥霧聿新蠹落之殘編藝林氣蔚文昌冊
府光騰奕襍竊惟神聖傳心之要莫重於經帝王
致治之規必詳於史識大識小始同出於一源記
事記言後分標於四庫左氏因春秋之筆編年附
經以存馬遷仿尚書之裁紀傳立史之局班范後
出悉踵前規劉李代興必遵先路雖篇目或有增
減而體例不致紛殊自史漢以及宋元効修明而

若畫一凡專門名家之私著不入故府之藏集通
鑑綱目而求詳必以正史為斷若十七史若廿一
史各有成書為南監本為北監本舊稱佳刻然而
校讐疎畧不獨魯魚亥豕之訛加以歲月侵尋更
多蝨蝕蟲蠹之損以是郢書燕說貽誤丹青野乘
稗官翻新梨棗不有精良秘本誰羅放失舊聞欽
惟

皇帝陛下

學隆稽古

道合傳心

同文以式萬方彝倫攸敘

執中而徧天下禮樂為昭由百世而等百王統歸定
論自皇初以迄近古總攬宏猷莫不仰

聖世之鴻規固已成

盛朝之至治乃以圖書大備典訓咸昭既刻全經必羅
諸史明朝史新已告竣具有成模舊唐書向者單

行亦宜並列統離二十二史以配一十三經承
恩命以鳧趨引清班而雀躍善本

頒從秘閣紛綸羣玉之編直廬密邇

禁廷清切慈珠之館然脂夕校月已窺簾砥墨晨書
風為展頁喜值文林盛事渾忘素業辛勤唯是諸
史考証之難較之羣經異同尤劇前史之後乘即
後史之肇端南史之牽連亦北史之綴輯各人撰
述自不必同互有淆訛豈無一是摘錄易滋繁冗

辨正務在簡明積少而多由博歸約時呈

欽定悉仰

睿裁繙校之業幾更梓繡之工日進經七年之寒暑次第成書合千古之典章完全插架鎔經兼之鑄史仰巨製於

天章考古因以証今沐鴻功於

大治四海識先民矩矱萬年為後學津梁臣等學慙淹雅才謝宏通深思往籍有闕文傳疑傳信猶恐校

書如落葉旋掃旋生僅云循覽數行未足効愚一
得伏願

瑤函啓瑞

寶籙凝庥

乘運會之光昌邳隆文教

式典章之明備廣勵儒修損益因革順乎時懋建中
和之極忠敬質文推其意長留淳古之風則至誠
裕天下之經綸遠邁觀圖於河洛盛治羅古今之

道法不煩刻玉於云亭矣計校刻告竣二十一史
共二千七百三十一卷六十五函謹奉

表隨

進以

聞

乾隆十一年十二月十七日

和碩親王臣弘晝

太保李太保保毅學士尋仍兼掌部書鑒陸學士臣張廷玉

吏部右侍郎臣德齡

兵部右侍郎臣王會汾

國子監祭酒臣陸宗楷

[illegible]

奉

旨開列校刻二十一史諸臣職名

監理

和

碩

和

親

王

臣

弘

晝

總閱

歷經筵講官詹保殷學議聚兼管兵部尚書翰林院掌院書畫繕寫

臣鄂爾泰

經筵講官徐殷大學士議政大臣兼管吏部尚書翰林院掌院事等伯

臣張廷玉

總裁

原任經筵講官刑部尚書臣張照

原任禮部右侍郎臣李清植

兵部右侍郎臣王會汾

原任刑部右侍郎臣勵宗萬

國子監祭酒臣陸宗楷

原任翰林院侍講職銜臣方苞

提調

原任講官起居注詹事府詹事兼翰林院侍講學士臣陳浩

原任日講官起居注左春坊左庶子兼翰林院侍讀臣朱良裘

署日講官起居注右春坊右庶子兼翰林院侍講臣林蒲封

翰林院編修臣孫人龍

編校

內閣學士兼禮部侍郎臣沈德潛

日講官起居注詹事府少詹事兼翰林院侍講學士臣裘曰修

日講官起居注翰林院侍讀學士臣董邦達

日講官起居注翰林院侍講學士臣周長發

原任 日講官起居注翰林院侍講學士臣萬承蒼

翰林院侍讀臣周玉章

日講官起居注翰林院侍讀臣齊召南

日講官起居注司經局洗馬臣韓彥曾

原任翰林院編修臣吳兆雲

翰林院編修臣柏謙

翰林院編修臣張映斗

翰林院編修臣潘乙震

翰林院編修臣何其睿

翰林院編修臣錢琦

翰林院編修臣李龍官

翰林院編修臣朱荃

翰林院編修臣葉酉

翰林院編修臣姚範

原任翰林院編修臣杭世駿

署日講官起居注翰林院檢討臣郭肇鎬

翰林院檢討臣萬松齡

翰林院編修今任監察御史臣沈廷芳

翰林院編修今任監察御史臣楊開鼎

翰林院編修今任奉天錦州府知府臣金文淳

宗人府主事臣王文清

候補主事今任山西隰州直隸州知州臣王祖庚

翰林院待詔臣盧明楷

欽天監博士臣張永祚

校錄

貢

生臣廖名揚

貢

生臣葉環

貢

生臣費應泰

貢

生臣楊茂遷

貢

生臣張本

貢

生臣王濟師

貢

生臣王積光

貢

生臣蕭梅

貢

生臣郭世琛

貢

生臣龔元朱

貢

生臣杜炳星

貢

生臣曾尚渭

監造

內務府南苑郎中兼佐領加六級紀錄十八次

臣

雅爾岱

內務府錢糧衙門郎中兼佐領加五級紀錄十三次

臣

永保

內務府錢糧衙門員外郎兼佐領紀錄一次臣永忠

內務府廣儲司司庫加一級紀錄三次臣三格

監造加一級臣李保

監造加一級臣姚文彬

庫掌臣尚琮

庫掌臣亮保

庫掌臣虎什泰

庫掌臣觀音保

庫

掌_臣常福

庫

掌_臣高永仁

執

事

人_臣文殊保

執

事

人_臣佛綸

執

事

人_臣彌勒保

執

事

人_臣金篤生

執

事

人_臣李延舜

執

事

人_臣保慶

執

事

人臣 佛綸

執

事

人臣 彌勒保

執

事

人臣 金篤生

執

事

人臣 李延舜

執

事

人臣 保慶

欽定四庫全書

史記集解序

裴駰

索隱駰字龍駒河東聞喜人宋中郎外兵曹叅軍父松之字世期太中大夫注三國

志宋書父子同傳正義裴駰採九經諸史并漢書音義及衆書之目而解史記故題

史記集解序序緒也孫炎云謂端緒也孔子作易卦序夏作詩序之義其來尚矣

班固有言曰

索隱固撰漢書作司馬遷傳評其作史記所採之書兼論其得失故裴駰此序先引

之為說也按固字孟堅扶風人後漢明帝時仕至中護軍祖擇廣平太守父彪徐令續太史公書

司馬

遷

班固字子長左馮翊人也漢武帝時為太史令撰史記百三十篇父談亦為太史令據左氏國

語

索隱仲尼作春秋經魯史左丘明作傳合三十篇故曰左氏傳國語亦丘明所撰上起周穆王下訖敬王

其諸侯之事起魯莊公迄春秋末凡二十一篇

采世本戰國策

索隱劉向云世本古史官明於

古事者之所記也錄黃帝已來帝王諸侯及卿大夫象謚名號凡十五篇也戰國策高誘云六國時縱橫之說

也一曰短長書亦曰國事劉向撰為三十三篇名曰戰國策按此是班固取其後名而書之非遷時已名戰國

策述楚漢春秋

索隱漢太中大夫楚人陸賈所撰記項氏與漢高祖初起及說惠文間事接

其後事訖于天漢

索隱武帝年號言太史公所記迄至武帝天漢之年也

其言秦

漢詳矣至於采經撫傳

索隱按字書撫拾也音之赤反

分散數家之事

甚多疏略或有抵牾

索隱抵音丁禮反牾音吾故反抵者觸也牾亦斜相抵觸之名按今

屋梁上斜柱是也斜觸謂之拑下觸謂之抵抵拑言其參差也以言彼此二文同出一家而自相乘舛亦

其所涉獵者廣博貫穿經傳馳騁古今上下數千載間

斯已勤矣

正義言作史記採經傳百家之事上下二千餘年此其甚勤於撰錄也

又其是

非頗繆於聖人

索隱聖人謂周公孔子也言周孔之教皆宗儒尚德今太史公乃先黃老崇勢

利是繆於聖人正義太史公史記各顯六家之宗黃老道家之宗六經儒家之首序游俠則退處士述貨殖則崇勢利處士賤貧原憲非病夫作史之體務涉多時有國之規備陳臧否天入地理咸使該通而遷天縱之才述作無滯故異周孔之道班固詆之裴駟引序亦通人之蔽也而固作漢書與史記同者五十餘卷謹寫史記少加異者不弱即劣何更非駁史記乃是後士妄非前賢又史記五十二萬六千五百言敘二千四百一十三

年事漢書八十一萬言敘二百二十五年事司馬遷引父致意班固父修而蔽之優劣可知矣論大道

則先黃老而後六經

正義大道者皆稟乎自然不可稱道也道在天地之前先天地生不

知其名字之曰道黃帝老子遵崇斯道故太史公論大道須先黃老而後六經

序游俠則退處

士而進姦雄

索隱游俠謂輕死重氣如荆軻豫讓之輩也游從也行也俠挾也持也言能相從游

行挾持之事又曰同是非曰俠正義姦雄姦滑雄豪之人

述貨殖

正義殖生也言貨物滋生也則

崇勢利而羞賤貧

正義趨利之人

此其所蔽也

正義此三者是司馬遷不達理

也然自劉向揚雄博極羣書皆稱遷有良史之才服其

善序事理辨而不華質而不俚

索隱俚音里劉德曰俚即鄙也崔浩云世有鄙

俚之語則俚亦野也謂詞不鄙樸

其文直其事核不虛美不隱惡故謂

之實錄駟以為固之所言世稱其當

正義駟音因當音丁浪反裴駟以班

固所論司馬遷史記是非世人稱班固之言

雖時有紕繆

索隱紕音匹之反紕猶錯也亦作怪

字書云織者兩絲同齒曰怪繆亦與繆同

實勒成一家

正義雖有小紕繆實編勒成一家之書矣

總其大較

索隱較音角較猶略也則大較猶言大略也正義較明也

信命世之宏才

也

索隱按孟子云五百年之間必有名世者趙岐曰名世次聖之才物來能名此言命者名也言賢人有名

於世也宏才大才謂史遷

考較此書文句不同有多有少莫辯其實

而世之惑者定彼從此是非相貿真偽舛雜

正義貿音茂舛音昌

轉反言世之迷惑淺識之人或定彼從此
本更相貿易真偽雜亂不能辯其是非

故中散大夫

東莞徐廣研核衆本為作音義

正義作音義十三卷裴駰為注散入百三十篇

具列異同兼述訓解

正義徐作音義具列異同之本兼述訓解釋也

粗有所發

明而殊恨省略

索隱殊絕也左傳曰斬其木不殊言絕恨其所撰太省略也正義省音山景反

聊以愚管

索隱按東方朔云以管窺天以蠡測海皆喻小也然此語本出莊子文今云愚管者是駰

謙言已愚陋管見所識不能遠大也

增演徐氏

正義演音羊善反增益也言裴駰更增益演徐氏之

說采經傳百家并先儒之說

正義採取也或取傳說採諸子百家兼取先儒之義

先儒謂孔安國鄭玄服虔賈逵等是也言百家廣其非一

豫是有益悉皆抄內

正義並採

經傳之說有裨益史記盡抄內其中抄音楚交反

刪其游辭取其要實

正義刪音師顏

反刪除也去經傳諸家浮游之辭取其精要之實

或義在可疑則數家兼列

正義

兼列數家之說不同各有道理致生疑惑不敢偏棄故皆兼列

漢書音義稱臣瓚者莫

知姓氏

索隱按即傳瓚而劉孝標以為于瓚非也據何法盛晉書于瓚以穆帝時為大將軍誅死不言

有註漢書之事又其註漢書有引祿秩令及茂陵書然彼二書亡於西晉非于所見也必知是傳瓚者按穆天

子傳目錄云傳瓚為校書郎與荀勗同校定穆天子傳即當西晉之朝在于之前尚見茂陵等書又稱臣者以

其職典秘書故也瓚音殘岸反

今直云瓚曰又都無姓名者但云漢書

音義

正義漢書音義中有全無姓名者裴氏注史記直云漢書音義按大顏以為無名義今有六卷題云

孟康或云服虔蓋後所加
皆非其實未詳指歸也

時見微意有所裨補

正義見音賢見

反裨音卑又音頻移反裨益也裴氏
云時見已之微意亦有所補益也

譬嚙星之繼朝陽

索隱嚙微小貌也詩云嚙彼小星三五在東言衆無名
微小之星各隨三心五嚙出在東方亦能繼朝陽之光

嚙音火彗反朝陽日也嚙星繼
朝陽喻已淺薄而註史記也

飛塵之集華嶽

正義西嶽華山

極高大裴氏自喻材藻輕小如飛塵之集華岳亦能成
其高大管子云海不辭水故能成其大山不辭土故能
成其高華音故
化反又如字
以徐為本
正義徐廣音義辨諸家異同故以徐為本也
號曰

集解未詳則闕弗敢臆說

正義有未詳審之處則闕而弗論不敢以臆之見而妄

為說

人心不同

正義言人心既不同所見亦殊別也

聞見異辭

正義耳聞目見心意

既乖其辭所班氏所謂疏略抵牾者依違不悉辯也索隱

裴氏言今或依違不復更辯明之也按愧非胥臣之多

周公世家敘傳曰依之違之周公綏之愧非胥臣之多

聞索隱晉大夫曰李名曰胥臣按國語稱晉文公使趙
衰為卿辭曰欒枝貞慎先幹有謀胥臣多聞皆可以

為輔又胥臣對文公黃帝二十五子產之博物索隱鄭

子及屯豫皆八等事是多聞也子產之博物索隱鄭

僑字子產按左氏傳子產聘晉言晉侯之疾非實沈臺
貽之崇乃說飲食哀樂及內官不及同姓反則能生疾

晉侯聞子產之言曰博物君子也妄言末學無穢舊史豈足以關諸畜

德庶賢無所用心而已索隱關預也畜德謂積德多學

豈足關預於積學多識之士乎正是冀望聖賢勝於飽

食終日無所用心愈於論語不有博奕者乎之人耳

史記

五

史記集解序

史記索隱序

朝散大夫國子博士弘文館學士河內司馬貞

史記者漢太史司馬遷父子之所述也遷自以承五百
之運繼春秋而纂是史其褒貶覈實頗亞於丘明之書
於是上始軒轅下訖天漢作十二本紀十表八書三十
系家七十列傳凡一百三十篇始變左氏之體而年載
悠邈簡冊闕遺勒成一家其勤至矣又其屬稿先據左
氏國語系本戰國策楚漢春秋及諸子百家之書而後

貫穿經傳馳騁古今錯綜隲括各使成一國一家之事
故其意難究詳矣比於班書微為古質故漢晉名賢未
知見重所以魏文侯聽古樂則唯恐臥良有以也逮至
晉末有中散大夫東莞徐廣始考異同作音義十三卷
宋外兵參軍裴駟又取經傳訓釋作集解合為八十卷
雖粗見微意而未窮討論南齊輕車錄事鄒誕生亦作
音義三卷音則微殊義乃更略爾後其學中廢貞觀中
諫議大夫宗賢館學士劉伯莊達學宏才鉤深探賾又

作音義二十卷比於徐鄒音則具矣殘文錯節異旨微
義雖知獨善不見傍通欲使後人從何準的貞謏聞陋
識頗事鑽研而家傳是書不敢失墜初欲改更舛錯裨
補疎遺義有未通兼重註述然以此書殘缺雖多實為
古史忽加穿鑿難允物情今止探求異聞採摭典故解
其所未解申其所未申者釋文演註又為述贊凡三十
卷號曰史記索隱雖未敢藏之書府亦欲以貽厥孫謀
云

史記索隱序

史記索隱後序

夫太史公記事上始軒轅下訖天漢雖博采古文及傳記諸子其間殘缺蓋多或訪搜異聞以成其說然其人好奇而詞省故事覈而文微是以後之學者多所未究其班氏之書成於後漢彪既依邇而述所以條流更明且又兼采衆賢羣理畢備故其旨富其詞文是以近代諸儒共所鑽仰其訓詁蓋亦多門蔡謨集解之時已有二十四家之說所以於文無所滯於理無所遺而太史

公之書既上序軒黃中述戰國或得之於名山壞宅或取之以舊俗風謠故其殘文斷句難究詳矣然古今為註解者絕省音義亦希始後漢延篤乃有音義一卷又別有音隱五卷不記作者何人近代鮮有二家之本宋中散大夫徐廣作音義一十卷唯記諸本異同於義少有解釋又中兵郎裴駰亦名家之子也作集解註本合為八十卷見行於代仍云亦有音義前代久已散亡南齊輕車錄事鄒誕生亦撰音義三卷音則尚奇義則罕

說隋祕書監柳顧言尤善此史劉伯莊云其先人曾從
彼公受業或音解隨而記錄凡三十卷隋季喪亂遂失
此書伯莊以貞觀之初奉勅於弘文館講授遂采鄒徐
二說兼記憶柳公音旨遂作音義三十卷音乃周備義
則更畧惜哉古史微文遂由數賢祕寶故其學殆絕前
朝吏部侍郎許子儒亦作註義不覩其書崇文館學士
張嘉會獨善此書而無註義貞少從張學晚更研尋初
以殘缺處多兼鄙褚少孫誤謬因憤發而補史記遂兼

註之然其功殆半乃自唯曰千載古史良難紬繹於是更撰音義重作述贊蓋欲以剖盤根之錯節導北轅於司南也凡為三十卷號曰史記索隱云

史記索隱後序

史記正義序

諸王侍讀宣議郎守右清道率府長史張守節上
史記者漢太史公司馬遷作遷生龍門耕牧河山之陽
南遊江淮講學齊魯之郡紹太史繼春秋括文魯史而
包左氏國語采世本戰國策而摭楚漢春秋貫紬經傳
旁搜史子上起軒轅下暨天漢作十二本紀帝王興廢
悉詳三十世家君國存亡畢著八書贊陰陽禮樂十表
定代系年封七十列傳忠臣孝子之誠備矣筆削冠於

史籍題目足以經邦裴駢服其善序事理辯而不華質而不俚其文直其事核不虛美不隱惡故謂之實錄自劉向揚雄皆稱良史之才况墳典湮滅簡冊闕遺比之春秋言辭古質方之兩漢文省理幽守節涉學三十餘年六籍九流地里蒼雅銳心觀採評史漢詮衆訓釋而作正義郡國城邑委曲申明古典幽微竊探其美索理允愜次舊書之旨兼音解注引致旁通凡成三十卷名曰史記正義發揮膏肓之辭思濟滄溟之海未敢倖諸

祕府冀訓詁而齊流庶貽厥子孫世疇茲史于時歲次
丙子開元二十四年八月殺青斯竟

史記正義序

史記序考證

史記集解序裴駟

○臣照

按監本此序列於第四先索

隱序次索隱後序次補史記序然後刊列此篇此篇
之後則刊張守節論史例論注例論字例論音例音
字例發字例謚發解七篇又不刊張守節正義序紛
然淆亂絕無義例今依時代次第定此篇為第一索
隱序第二索隱後序第三正義序第四終焉其補史
記序則司馬貞自叙其補三皇本紀作述贊改定篇

目等事也今既不用其篇第則無庸并諸簡端與張
守節論史例謚法解諸篇並移置末卷之後

又索隱○

臣照

按司馬貞索隱張守節正義皆書名猶

裴駰之有集解也監本於索隱正義則稱索隱曰正
義曰於集解則不載書名直稱徐廣曰如淳曰之類
遂使曰字相混而且集解之文混入索隱索隱之文
混入正義又正義之文十缺四五顛倒錯亂不可枚
舉今集解索隱正義並依十三經例刻陰文字刪去

曰字補刻闕文不下千百條而正義十居其九不能
逐條詳載考證內顧正義無古刻原本可據各本彼
此多寡不同今校定刊刻之後時或又得數條其不
可少者重鋟添入其無關緊要者仍從割棄蓋即更
數年搜羅終不能信為正義全本也但校之明代監
本稍為詳備焉

又妄言末學○末監本訛作未今改正

臣照

按明監本

訛字甚多而小註尤甚今改正者以萬計惟大字本

文訛者則著之小註不能詳也其無別本可考明知其訛不敢臆改者則著其說以存疑

索隱序雖粗見微意而未窮討論○討監本訛作計今改正

又殘文錯節異旨微義○旨監本訛作音今改正

索隱後序或得之於名山壞宅○壞監本訛作壤今改正

又遂作音義十三卷音乃周備○乃監本訛作及今改

正

又乃自唯曰千載古史良難紬繹於是更撰音義重作
述贊○監本訛作乃自唯曰千載古史良史難更然因
退撰音義重作贊述今改正

史記序考證

欽定四庫全書

史部一

史記目錄

正史類

漢太

史

令司馬遷撰

本紀一十二

年表一十

八書八

世家三十

列傳七十

共一百三十卷

本紀

史紀卷一

本紀第一

五帝

史記卷二

本紀第二

夏

史記卷三

本紀第三

殷

史記卷四

本紀第四

周

史記卷五

本紀第五

秦昭襄王

莊襄王

史記卷六

本紀第六

秦始皇帝

二世皇帝

史記卷七

本紀第七

項羽

史記卷八

本紀第八

漢高祖

史記卷九

本紀第九

呂太后

史記卷十

本紀第十

孝文帝

史記卷十一

本紀第十一

孝景帝

史記卷十二

本紀第十二

孝武帝

表

史記卷十三

表第一

三代世表

史記卷十四

表第二

十二諸侯年表

史記卷十五

表第三

目錄
六國表

史記卷十六

表第四

秦楚之際月表

史記卷十七

表第五

漢興以來諸侯年表

史記卷十八

表第六

高祖功臣侯年表

史記卷十九

表第七

惠景間侯者年表

史記卷二十

表第八

建元以來侯者年表

史記卷二十一

表第九

建元以來王子侯者年表

史記卷二十二

表第十

漢興以來將相名臣年表

八書

史記卷二十三

八書第一

禮

史記卷二十四

八書第二

樂

史記卷二十五

八書第三

律

史記卷二十六

八書第四

歷

史記卷二十七

八書第五

天官

史記卷二十八

八書第六

封禪

史記卷二十九

八書第七

河渠

史記卷三十

八書第八

平準

世家

史記卷三十一

世家第一

吳太伯

史記卷三十二

世家第二

齊太公

史記卷三十三

世家第三

魯周公

史記卷三十四

世家第四

燕召公

史記卷三十五

世家第五

管蔡

史記卷三十六

世家第六

陳杞

史記卷三十七

世家第七

衛康叔

史記卷三十八

世家第八

宋微子

史記卷三十九

世家第九

晉

史記卷四十

世家第十

楚

史記卷四十一

世家第十一

越王句踐

史記卷四十二

世家第十二

鄭

史記卷四十三

世家第十三

趙

史記卷四十四

世家第十四

魏

史記卷四十五

世家第十五

韓

史記卷四十六

世家第十六

田敬仲完

史記卷四十七

世家第十七

孔子

史記卷四十八

世家第十八

陳涉

史記卷四十九

世家第十九

外戚

史記卷五十

世家第二十

楚元王

史記卷五十一

世家第二十一

荆燕

史記卷五十二

世家第二十二

齊悼惠王

史記卷五十三

世家第二十三

蕭相國

史記卷五十四

世家第二十四

曹相國

史記卷五十五

世家第二十五

留侯

史記卷五十六

世家第二十六

陳丞相

史記卷五十七

世家第二十七

絳侯

史記卷五十八

世家第二十八

梁孝王

史記卷五十九

世家第二十九

五宗

史記卷六十

世家第三十

三王

列傳

史記卷六十一

列傳第一

伯夷

史記卷六十二

列傳第二

管晏

史記卷六十三

列傳第三

老子

莊子

申不害

韓非

史記卷六十四

列傳第四

司馬穰苴

史記卷六十五

列傳第五

孫武

吳起

史記卷六十六

列傳第六

伍子胥

史記卷六十七

列傳第七

仲尼弟子

史記卷六十八

列傳第八

商君鞅

史記卷六十九

列傳第九

蘇秦

史記卷七十

列傳第十

張儀

陳軫

犀首

史記卷七十一

列傳第十一

樗里子

甘茂

甘羅

史記卷七十二

列傳第十二

穰侯

史記卷七十三

列傳第十三

白起

王翦

史記卷七十四

列傳第十四

孟軻

淳于髡

慎到

騶奭

荀卿

史記卷七十五

列傳第十五

孟嘗君

史記卷七十六

列傳第十六

平原君

虞卿

史記卷七十七

列傳第十七

信陵君

史記卷七十八

列傳第十八

春申君

史記卷七十九

列傳第十九

范睢

蔡澤

史記卷八十

列傳第二十

樂毅

史記卷八十一

列傳第二十一

廉頗

藺相如

趙奢

李牧

史記卷八十二

列傳第二十二

田單

史記卷八十三

列傳第二十三

魯仲連

鄒陽

史記卷八十四

列傳第二十四

屈原

賈誼

史記卷八十五

列傳第二十五

呂不韋

史記卷八十六

列傳第二十六刺客

曹沫

專諸

豫讓

聶政

荊軻

史記卷八十七

列傳第二十七

李斯

史記卷八十八

列傳第二十八

蒙恬

史記卷八十九

列傳第二十九

張耳

陳餘

史記卷九十

列傳第三十

魏豹

彭越

史記卷九十一

列傳第三十一

黥布

史記卷九十二

列傳第三十二

淮陰侯

史記卷九十三

列傳第三十三

韓王信

盧綰

史記卷九十四

列傳第三十四

田儋

田橫

史記卷九十五

列傳第三十五

樊噲

酈商

夏侯嬰

灌嬰

史記卷九十六

列傳第三十六

張蒼

周昌

任敖

申屠嘉

附韋賢

魏相

邴吉

黃霸

韋玄成

匡衡

史記卷九十七

列傳第三十七

酈食其

陸賈

朱建

史記卷九十八

列傳第三十八

傅寬

靳歙

周緤

史記卷九十九

列傳第三十九

劉敬

叔孫通

史記卷一百

列傳第四十

李布

樂布

史記卷一百一

列傳第四十一

袁盎

鼂錯

史記卷一百二

列傳第四十二

張釋之

馮唐

史記卷一百三

列傳第四十三

石奮

衛綰

直不疑

周文

張敖

史記卷一百四

列傳第四十四

田叔
子仁

附任安

史記卷一百五

列傳第四十五

扁鵲

倉公

史記卷一百六

列傳第四十六

吳王濞

史記卷一百七

列傳第四十七

竇嬰

田蚡

灌夫

史記卷一百八

列傳第四十八

韓安國

史記卷一百九

列傳第四十九

李廣

史記卷一百十

列傳第五十

匈奴

史記卷一百一十一

列傳第五十一

衛青

霍去病

公孫賀

李息

蘇建

公孫敖

趙信

李沮

張騫

李蔡

曹襄

韓說

郭昌

趙食其

荀彘

路博德

趙破奴

史記卷一百一十二

列傳第五十二

公孫弘

主父偃

史記卷一百一十三

列傳第五十三

南越尉佗

史記卷一百一十四

列傳第五十四

東越

史記卷一百一十五

列傳第五十五

朝鮮

史記卷一百一十六

列傳第五十六

西南夷

史記卷一百一十七

列傳第五十七

司馬相如

史記卷一百一十八

列傳第五十八

淮南厲王

淮南王安

衡山王

史記卷一百一十九

列傳第五十九循吏

孫叔敖

子產

公儀休

石奢

李離

史記卷一百二十

列傳第六十

汲黯

鄭當時

史記卷一百二十一

列傳第六十一儒林

申公

轅固生

韓生

伏勝

董仲舒

胡毋生

史記卷一百二十二

列傳第六十二酷吏

郅都

寧成

周陽由

趙禹

張湯

義縱

王溫舒

楊僕

減宣

杜周

史記卷一百二十三

列傳第六十三

大宛

烏孫

康居
安息

奄蔡

史記卷一百二十四

列傳第六十四游俠

朱家

郭解

劇孟

史記卷一百二十五

列傳第六十五佞幸

鄧通

韓嫣

李延年

史記卷一百二十六

史記

列傳第六十六滑稽

淳于髡

優孟

優旃

附東方朔

東郭先生

王先生

西門豹

史記卷一百二十七

列傳第六十七日者

司馬季主

史記卷一百二十八

列傳第六十八

龜策

史記卷一百二十九

列傳第六十九貨殖

范蠡

子貢

白圭

猗頓

卓氏

程鄭

宛孔氏

師史

任氏

史記卷一百三十

列傳第七十

太史公自序

附司馬貞補史記

三皇本紀

臣等謹案漢司馬遷史記一百三十卷雖班

固譏其尚黃老傳游俠貨殖為悖於道鄭樵
以為上下數千年踟躕於七八書中博雅猶
有所未足而紀傳表書之體百世莫能易焉
第其詞旨古奧又年月地理間多踈舛晉徐
廣有音義三十卷宋裴駟作集解合八十卷
唐司馬貞有索隱三十卷張守節有正義三
十卷向來雖多合刻絕少校勘我

皇上以明南北監板漸就漫漶釐正付梓卷附考

證一如十三經之例而史記為諸史冠冕校
讐精審皆非以前官私諸刻所得比也乾隆
三十九年二月恭校上


總纂官

臣紀昀
臣陸錫熊
臣孫士毅

總校官

臣陸

費
墀



史記目錄

史記目錄考證

史記目錄○

臣照

按監本此行前三行一曰史記補

目錄一曰唐弘文館學士河內司馬貞著一曰三皇

本紀以補書而先正書以唐司馬貞而先漢司馬遷

乖舛倒置總因三皇必在五帝前也夫刪書斷自唐

虞孔子豈未見黃帝之書謂其荒遠難稽不欲傳疑

於後世也遷史始黃帝已失孔子之指貞復等而上

之及於伏羲益又甚矣顧遷之所以始黃帝者蓋以

武帝好神仙神仙家言並托之黃帝封禪書載帝語
我若得如黃帝視棄妻子如敝屣耳遷是以據古史
著黃帝事實以言黃帝亦人耳非能乘雲駕風長生
不死如彼所言神仙者也故五帝中獨著黃帝之葬
橋山餘並不書葬者言黃帝之死有冢可據也貞之
補三皇并失遷之旨矣今依古本刊去此三行附補
書於正書之末庶不改龍門之舊云

本紀一十二表一十書八世家三十列傳七十○監本

作本紀卷一十二年表卷一十八書卷八世家卷三

十列傳卷七十

臣照

按十表中有世表有月表今曰

年表卷一十其謬可知也卷一十二卷一十則是第十二卷第十卷也八書卷八更不可通蓋坊肆書賈之所為而傳謬至今者且司馬遷報任安書云為十表本紀十二書八章世家三十列傳七十云云更為確據今俱依古本改正

史記目錄考證

欽定四庫全書

史部

史記卷一至三

詳校官侍讀學士

臣陸伯焜

洗馬

臣

王坦修覆勘

覆校官中書

臣

孫希旦

校對官中書

臣

王友亮

謄錄監生

臣

范廷驊

欽定四庫全書

史記卷一

漢太史

令司馬遷撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

五帝本紀第一

集解裴駙曰凡是徐氏義稱徐姓名以別之餘者悉是駙註解并集衆家義索隱紀者記也本

其事而記之故曰本紀又紀理也絲縷有紀而
帝王書稱紀者言為後代綱紀也正義鄭玄注
中候勅省圖云德合五帝坐星者稱帝又坤靈
圖云德配天地在正不在私曰帝按太史公依
世本大戴禮以黃帝顓頊帝嚳唐堯虞舜為五
帝譙周應劭宋均皆同而孔安國尚書序皇甫
謐帝王世紀孫氏注世本並以伏羲神農黃帝
為三皇少昊顓頊高辛唐虞為五帝裴松之史
目云天子稱本紀諸侯曰世家本者繫其本系
故曰本紀者理也統理衆事繫之年月名之曰
紀第者次序之目一者舉數之由故曰五帝本
紀第一禮云動則左史書之言則右史書之左
陽故記動右陰故記言言為尚書事為
春秋按春秋時置左右史故云史記

黃帝者

集解徐廣曰號有熊索隱按有土德之瑞土色
黃故稱黃帝猶神農大德王而稱炎帝然也此

以黃帝為五帝之首蓋依大戴禮五帝德又譙周宋均亦以為然而孔安國皇甫謐帝王代紀及孫氏註系本並以伏犧神農黃帝為三皇少昊高陽高辛唐虞為五帝註號有熊者以其本是有熊國君之子故也都軒轅之丘因以為名又以為號又據左傳亦號帝鴻氏也正義輿地志云涿鹿本名彭城黃帝初都遷有熊也按黃帝有熊國君乃少典國君之次子號曰有熊氏又曰縉雲氏又曰帝鴻氏亦曰帝軒氏母曰附寶之祁野見大電繞北斗樞星感而懷孕二十四月而生黃帝於壽丘壽丘在魯東門之北今在兗州曲阜縣東北六里生日角龍顏有景雲之瑞以土德王故曰少典之子集解譙黃帝封泰山禪亭亭亭在年陰熊國君少典之子也皇甫謐曰有熊今河南新鄭是也索隱少典者諸侯國號非人名也又按國語云少典娶有嬌氏女而生炎帝然則炎帝亦少典之子炎黃二帝雖則承帝王代紀中間凡隔八帝五百餘年若以少典

是其父名豈黃帝經五百餘年而始代炎帝後為天子乎何其年之長也又按秦本紀云顓頊氏之裔孫曰女脩吞玄鳥之卵而生大業大業娶少典氏而生相豳明少典是國號非人名也黃帝者少典氏後代之子孫賈逵亦以左傳高陽氏有才子八人亦謂其後代子孫而稱為子是也譙周字允南蜀人魏散騎常侍徵不拜此註所引者是其人所著古史考之說也皇甫謐字士安晉人號玄晏先生今所引者是其所作帝王世紀也

姓公孫名曰軒轅

索隱按皇甫謐云黃帝生於壽丘長於姬水因以為姓居軒轅之丘因以

為名又以為號是本姓公孫長居姬水因改姓姬

生而神靈弱而能言

索隱弱謂幼弱

時也蓋未合能言之時而黃帝即言所以為神異也潘岳有哀弱子篇其子未七旬曰弱正義言神異也易曰陰陽不測之謂神書曰人惟

幼而徇齊

集解徐廣曰墨子曰年踰十五

萬物之靈故謂之神靈也

則聰明心慮無不徇通矣。駟案徇疾齊速也。言聖德幼而疾速也。索隱斯文未明。今案徇齊皆德也。書曰聰明齊聖。左傳曰子雖齊聖。謂聖德齊肅。又按孔子家語及大戴禮並作叡齊。一本作慧齊。叡慧皆智也。太史公採大戴禮而為此紀。今彼文無作徇者。史記舊本亦有作濬齊。蓋古字假借。徇為濬濬深也。義亦並通。爾雅齊速俱訓為疾。尚書大傳曰多聞而齊。給鄭註云齊疾也。今裴氏註云徇亦訓疾。未見所出。或當讀徇為迅。迅於爾雅與齊俱訓疾。則迅濬雖異字而音同也。又爾雅曰宣徇遍也。濬通也是。遍之與通義亦相近。言黃帝幼而才智周徧且辯給也。故墨子亦云年踰五十則聰明心慮不徇通矣。俗本作十五。非是按謂年老踰五十不聰明何得長而敦敏成而聰明。正義成謂年二十冠成人云十五。長而敦敏成而聰明也。聰明聞見明辯也。此以上至軒轅皆軒轅之時。神農氏世衰。集解皇甫謐曰易大戴禮文。軒轅之時。神農氏沒。神農

氏作是為炎帝班固曰教民耕農故號曰神農索隱世
衰謂神農氏後代子孫道德衰薄非指炎帝之身即班
固所謂參虛皇甫謐所云帝榆罔是也正義帝王世紀
云神農氏姜姓也母曰任姁有蟠氏女登為少典妃遊
華陽有神龍首感生炎帝人身牛首身長於姜水有聖德
以火德王故號炎帝初都陳又徙魯又曰魁隤氏又曰
連山氏又曰列山氏括地志云厲山在隨州隨縣北百
里山東有石穴曰神農生於厲鄉所謂列山氏也春秋
時為厲國諸侯相侵伐暴虐百姓而神農氏弗能征於是軒

轅乃習用干戈呂征不享

索隱謂用干戈以征諸侯之不朝享者一本或作享亭訓

直以征諸侯之不直者

諸侯咸來賓從而蚩尤最為暴莫能伐

集解

應劭曰蚩尤古天子璜曰孔子三朝記曰蚩尤庶人之
貪者索隱按此紀云諸侯相侵伐蚩尤最為暴則蚩尤

非為天子也又管子曰蚩尤受廬山之金而作五兵明
非庶人蓋諸侯號也劉向別錄云孔子見魯哀公問政
比三朝退而為此記故曰三朝凡七篇並入大戴禮今
此文見用兵篇也正義龍魚河圖云黃帝攝政有蚩尤
兄弟八十一人並獸身人語銅頭鐵額食沙造五兵仗
刀戟大弩威振天下誅殺無道萬民欽命黃帝行天子
事黃帝以仁義不能禁止蚩尤乃仰天而歎天遣玄女
下授黃帝兵符伏蚩尤後天下復擾亂黃帝遂畫蚩尤
形像以威天下咸謂蚩尤不死八方皆為殄滅山海經
云黃帝令應龍攻蚩尤蚩尤請風伯雨師以從大風雨
黃帝乃下天女曰魃以止雨雨止遂殺
蚩尤孔安國曰九黎君號蚩尤是也

炎帝欲侵陵諸

侯諸侯咸歸軒轅軒轅乃脩德振兵

正義振整也

治五氣

集解

王肅曰五行之氣索隱謂春甲乙木氣夏丙丁火氣之屬是五氣也

執五種

集解執樹也詩云執之荏菹周

禮曰穀宜五種鄭玄曰五種黍稷菽麥稻也索隱執音藝藝種也樹也五種即五穀也音朱用反此註所引見

詩大雅生民之篇爾雅云荏菹戎菹也郭璞曰今之胡豆鄭氏曰豆之大者是也正義執音魚曳反種音腫

撫萬民度四方

集解王肅曰度四方而安撫之正義度音徒洛反

教熊羆貔貅

羆虎

索隱書云如虎如貔爾雅云貔白狐禮曰前有摯獸則載貔貅是也爾雅又曰羆貔似狸此六者猛

獸可以教戰周禮有服不氏掌教擾猛獸即古服牛乘馬亦其類也正義熊音雄羆音碑貔音毗貅音休羆音丑于反羆如熊黃白色郭璞云貔執夷虎屬也

按言教士卒習戰以猛獸之名名之用威敵也以與炎

帝戰於阪泉之野

集解服虔曰阪泉地名皇甫謐曰在上谷正義阪音白板反括地志云阪

泉今名黃帝泉在媯州懷戎縣東五十六里出五里至涿鹿東北與涿水合又有涿鹿故城在媯州東南五十

里本黃帝所都也晉太康地里志云涿鹿城東一里有阪泉上有黃帝祠按阪泉之野則平野之地也

三

戰然後得其志

正義謂黃帝克炎帝之後

蚩尤作亂不用帝命

正義言蚩

尤不用黃帝之命也

於是黃帝乃徵師諸侯與蚩尤戰於涿鹿之

野

集解服虔曰涿鹿山名在涿郡張晏曰涿鹿在上谷索隱或作濁鹿古今字異耳按地理志上谷有涿鹿

縣然則服虔云在涿郡者誤也

遂禽殺蚩尤

集解皇覽曰蚩尤冢在東平郡壽張縣闕鄉城中高

七丈民常十月祀之有赤氣出如匹絳帛民名為蚩尤旗肩髀冢在山陽郡鉅野縣重聚大小與闕冢等傳言黃帝與蚩尤戰於涿鹿之野黃帝殺之身體異處故別葬之索隱按皇甫謐云黃帝使應龍殺蚩尤于凶黎之谷或曰黃帝斬蚩尤于中冀因名其地曰絕轡之野皇覽書名也記先代冢墓之處宜皇王之省覽故曰皇覽

是魏人王象
繆襲等所撰

而諸侯咸尊軒轅為天子代神農氏是為

黃帝天下有不順者黃帝從而征之平者去之

正義平服者即

去披山通道

集解徐廣曰披他本亦作陂字蓋當為披者旁其邊之謂也披語誠合今世然古

今不必同也索隱披音如字謂披山林草木而行以通道也徐廣音披恐稍迂也

未嘗寧居東

至于海登丸山

集解徐廣曰丸一作凡駟案地理志曰丸山在琅邪朱虛縣索隱凡音扶嚴反

正義丸音桓括地志云丸山即丹山在青州臨朐縣界朱虛故縣西北二十里丹水出焉丸音紆守節按地志

唯有凡山蓋凡山丸山是一山耳諸處字誤或丸或凡也漢書郊祀志云禪丸山顏師古云在朱虛亦與括地

志相合明

及岱宗

正義泰山東岳也在兗州博城縣西北三十里也

西至于空

桐集解應劭曰山名登雞頭索隱山名也後漢王孟塞

韋昭曰在隴右

雞頭道在隴西一曰崆峒

山之別名正義括地志云空桐山在肅州福祿縣東南六十里抱朴子內篇云黃帝西見中黃子受九品之方過空桐從廣成子受自然之經即此山括地志又云筭頭山一名崆峒山在平陽縣西百里禹貢涇水所出輿地志云或即雞頭山也酈元云蓋大隴山異名也莊子云廣成子學道崆峒山黃帝問道於廣成子蓋在此按二處崆峒皆云南至于江登熊湘集解駸案封禪黃帝登之未詳孰是名陵登熊山地理志曰湘山在長沙益陽縣正義括地志云熊耳山在商州上洛縣西十里齊桓公登之以望江漢也湘山一名觚山在岳北逐葷粥集解匈奴傳曰唐州巴陵縣南十八里也猶葷粥居于北蠻索隱匈奴別名也唐虞已上曰山戎亦曰熏粥夏曰淳維殷曰鬼方周曰玁狁漢曰匈奴正

義葦音薰

粥音育

合符金山

索隱合諸侯符契圭瑞而朝之於金山猶禹會諸侯於塗山然也又

按郭子橫洞冥記稱東方朔云東海大明之墟有金山山出瑞雲應王者之符命如堯時有赤雲之祥之類蓋黃帝黃雲之瑞故曰合符應於金山也正義括地志云金山在媯州懷戎縣北三里山上有舜廟而邑

于涿鹿之阿

正義廣平曰阿涿鹿山名已見上涿鹿故城在山下即黃帝所都之邑于山下平地

遷徙往來無常處以師兵為營衛

正義環繞軍兵為營以自衛若轅門即其

遺官名皆以雲命為雲師

集解應劭曰黃帝受命有雲瑞故以雲紀事也春官為青

雲夏官為緡雲秋官為白雲冬官為黑雲中官為黃雲張晏曰黃帝有景雲之應因以名師與官置左

右大監監于萬國

正義監上監去聲下監平聲若周邵分陝也

萬國和而鬼

神山川封禪與為多焉

集解徐廣曰多一作朋索隱與音羊汝反與猶許也言萬國和

同而鬼神山川封禪祭祀之事自古以來

獲寶鼎迎日

帝王之中推許黃帝以為多多猶大也

推策集解晉灼曰策數也迎數之也瓚曰日月朔望未來而推之故曰迎日索隱封禪書曰黃帝得寶鼎

神策下云於是推策迎日則神策者神著也黃帝得著以推算歷數於是逆知節氣日辰之將來故曰推策迎日也正義策音策迎逆也黃帝受神舉風后力牧常先策命大撓造甲子容成造歷是也

大鴻以治民

集解鄭玄曰風后黃帝三公也班固曰力牧黃帝相也大鴻見封禪書正義舉任用

四人皆帝臣也帝王世紀云黃帝夢大風吹天下之塵垢皆去又夢人執千鈞之弩驅羊萬羣帝寤而歎曰風為號令執政者也垢去土后在也天下豈有姓風名后者哉夫千鈞之弩異力者也驅羊數萬羣能牧民為善

者也天下豈有姓力名牧者也於是依二占而求之得風后於海隅登以為相得力牧於大澤進以為將黃帝因著占夢經十一卷藝文志云風后兵法十三篇圖三卷孤虛二十卷力牧兵法十五篇鄭玄云風后黃帝之三公也按黃帝仰天地置列侯衆官以風后配上台天老配中台五聖配下台謂之三公也封禪書云鬼史區號大鴻黃帝大臣也死葬雍故鴻冢順天地之紀正義言黃是藝文志云鬼容區兵法三篇也

帝順天地陰陽幽明之占正義幽陰明陽也占數也言四時之紀也陰陽五行黃帝占數而知之

此文見死生之說集解徐廣曰一云幽明之數合死生大戴禮死生之說正義謂儀制也民之死生此謂

作儀制禮存亡之難索隱存亡猶安危也易曰危者安則之說其位亡者保其存是也難猶說也

凡事是非未盡假以往來之詞則曰難又上文有死生之說故此云存亡之難所以韓非著書有說林說難也

正義難音乃憚反存亡猶生死也黃帝之前未有衣裳屋宇及黃帝造屋宇制衣服營殯葬萬民故免存亡之

難時播百穀草木

集解王肅曰時是也索隱為一句正義言順四時之所宜而布種百穀草

木淳化鳥獸蟲蛇

索隱為一句蚘音牛綺反一作豸豸言淳化廣被及之正義蚘音魚起反

又音豸豸音直氏反蟻蚘蟬也

旁羅日月星辰水波

集解

爾雅曰有足曰虫無足曰豸

徐廣曰土石金玉禮作歷離離即羅也言帝德旁羅日

一作沃月星辰水波及至土石金玉謂日月揚光海水不波山

不藏珍皆是帝德廣被也正義旁羅猶徧布也日月陰陽時節也星二十八宿也辰日月所會也水波瀾

將也言天不異災土無別害水少波浪山出珍寶

勞勤心力耳目節用水火材物正義節時節也水陂障決洩也大山野禁放也材木也物

事也言黃帝教民江湖陂澤山林原隰皆收採禁捕以時用之有節令得其利也

有土德之瑞

故號黃帝

索隱炎帝火黃帝土代之即黃龍地螭見是也螭土精大五六圍長十餘丈螭音引正義

螭音以刃反

黃帝二十五子其得姓者十四人

索隱舊解破

姓十三人耳今按國語胥臣云黃帝之子二十五宗其得姓者十四人為十二姓姬酉祁己滕箴任荀僖姑嫫依是也唯青陽與夷鼓同己姓又云青陽與蒼林為姬姓是則十四人為十二姓其文甚明唯姬姓再稱青陽與蒼林蓋國語文誤所以致令前儒共疑其姬姓青陽當為玄囂是帝嘗祖本與黃帝同姬姓其國語上文青陽即是少昊金天氏為己姓者耳既理在不疑無煩破四為三正義僖音力其反姑音其吉反嫫音在宣反

黃帝居軒轅之丘

集解皇甫謐曰受國於有熊居軒轅之丘故因以為名又以為號山海經

曰在窮山之際西射之南張晏

而娶於西陵之女

正義西陵

曰作軒冕之服故謂之軒轅

國名是為嫫祖集解徐廣曰祖一作組嫫力追反索嫫

祖為黃帝正妃

索隱按皇帝立四妃象后妃四星皇甫謐云元妃西陵氏女曰嫫祖生昌意次

妃方雷氏女曰女節生青陽次妃彤魚氏女生夷鼓一名蒼林次妃嫫母班在三人之下按國語夷鼓蒼林是

二人又按漢書古今人表彤魚氏生夷鼓嫫母生蒼林不得如謐所說

生二子其後皆有

天下其一曰玄囂是為青陽

集解駟案太史公乃據大戴禮以嫫祖生昌意及玄

囂玄囂即青陽也皇甫謐以青陽為少昊乃方雷氏所生是其所見異也索隱玄囂帝嚳之祖按皇甫謐及宋

衷皆云玄囂青陽即少昊也今此紀下云玄囂不得在帝位則太史公意青陽非少昊明矣而此又云玄囂是

為青陽當是誤也謂二人皆黃帝子並列其名所以前史因誤以玄囂青陽為一人耳宋衷又云玄囂青陽是為少昊繼黃帝立者而史不叙蓋少昊金德王非五運之次故敘五帝不數之也

青陽降居江

水其二曰昌意降居若水

索隱降下也言帝子為諸侯降居江水江水若水皆在蜀

即所封國也水經曰水出旄牛徼外東南至故關為若水南過邛都又東北至朱提縣為瀘江水是蜀有此二水也正義括地志云安陽故城在豫州新息縣西南八十里應劭云古江國也地理志亦云安陽古江國也

昌意娶蜀山氏女曰昌僕生高陽高陽有聖德焉

正義華陽

國志及十三州志云蜀之先肇於人皇之際黃帝為子昌意娶蜀山氏後子孫因封焉帝顓頊高陽氏黃帝之孫昌意之子母曰昌僕亦謂之女樞河圖云瑤光如蜺貫月正白感女樞於幽房之宮生顓頊首戴干戈有德

文黃帝崩

集解皇甫謐曰在位百年而崩年百一十一歲索隱按大戴禮宰我問孔子曰桀伊言黃

帝三百年請問黃帝何人也抑非人也何以至三百年乎對曰生而人得其利百年死而人畏其神百年亡而人用其教百年則士安之說略可憑矣正義列仙傳云軒轅自擇亡日與羣臣辭還葬橋山山崩棺空惟有劍

烏在

葬橋山

集解駟案皇覽曰黃帝冢在上郡橋山索

棺焉

冢也正義括地志云黃帝陵在寧州羅川縣東八十里

子午山地理志云上郡陽周縣橋山南有黃帝冢按陽

周隋改為羅川爾雅

其孫昌意之子高陽立是為帝顓

頊也

帝顓頊高陽者

集解皇甫謐曰都帝丘今東郡濮陽是也索隱宋忠云顓頊名高陽有天下號

也張晏曰高陽黃帝之孫而昌意之子也靜淵以有謀者所興地名也

疏通而知事養材以任地索隱言能養材物以任地大戴禮作養財載時以

象天索隱載行也言行四時以象天大戴禮作履時以象天履亦踐而行也依鬼神以制

義索隱鬼神聰明正直當盡心敬事因制尊卑之義故禮曰降於祖廟之謂仁義是也正義鬼之靈者曰神

也鬼神謂山川之神也能興雲致雨潤養萬物也故已依憑之制義也制古制字治氣以教化

索隱謂理四時五行之氣以教化萬人也絜誠以祭祀北至于幽陵正義幽州也

南至于交趾正義趾音止交州也西至于流沙集解地理志曰流沙在張掖居延縣

正義濟渡也括地志云居延海南東至于蟠木集解案海

甘州張掖縣東北千六十四里是

經曰東海中有山焉名曰度索上有大桃樹屈蟠三千里東北有門名曰鬼門萬鬼所聚也天帝使神人守之

一名鬱壘主閱領萬鬼若害人之鬼以葦索縛之射以桃弧投虎食也

動靜之物

正義動物謂鳥

獸之類靜物謂草木之類

小大之神

正義大謂五嶽四瀆小謂邱陵墳衍

日月所照莫

不砥屬

集解王肅曰砥平也四遠皆平而來服屬索隱依王肅音止屬據大戴禮作砥礪也

帝顓

項生子曰窮蟬

索隱系本作窮係宋衷云一云窮係謚也正義帝舜之高祖也

顓項崩

集解皇甫謐曰在位七十八年年九十八皇覽曰顓項冢在東郡濮陽頓丘城門外廣陽里中頓丘者城門名頓丘道索隱皇甫謐云據左氏歲在鶉火而崩葬東郡又山海經曰顓項葬鮒魚山之陽九殞葬其陰也而

玄囂之孫高辛立是為帝嚳

帝嚳高辛者

集解張晏曰少昊之前天下之號象其德顓頊以來天下之號因其名高陽高辛皆

所興之地名顓頊與嚳皆以字為號上古質故也索隱宋衷曰高辛地名因以為號嚳名也皇甫謐云帝嚳名

爰也正義帝王紀

黃帝之曾孫也高辛父曰蟠極

正義蟠音

云佶母無聞焉

居兆反本作橋音同又巨遙反帝堯之祖也

蟠極父曰玄囂玄囂父曰黃帝

自玄囂與蟠極皆不得在位至高辛即帝位

集解皇甫謐曰都亳

今河南偃師是

高辛於顓頊為族子高辛生而神靈自言其名

正義帝王紀云帝佶高辛姬姓也其母生見其神異自言其名曰爰韶獻有德年十五而佐顓頊三十登位都

亳以人事紀官也

普施利物不於其身聰以知遠明以察微順

天之義知民之急仁而威惠而信脩身而天下服取地

之財而節用之撫教萬民而利誨之歷日月而迎送之

正義言作歷望晦朔日月未至而迎之過而送之上迎日推策是也明鬼神而敬事之

正義天神曰神人神曰鬼又云聖人之精氣謂之神賢人之精氣謂之鬼言明識鬼神而敬事也其色

郁郁其德嶷嶷索隱郁郁猶穆穆也嶷嶷德高也今按大戴禮郁作神嶷作侯其動也

時其服也士索隱舉動應天時衣服也帝嚳溉執中而徧

天下集解徐廣曰古既字作水旁徧字一作尹索隱即尚書允執厥中是也正義溉音既言帝嚳治民若

水之溉灌平等而執日月所照風雨所至莫不從服正義

以上大戴禮文也

帝嘗娶陳鋒氏女

正義鋒音峯又作豐帝王紀云帝嘗有四妃卜其子

皆有天下元妃有邵氏女曰姜嫄生后稷次妃有娥氏女曰簡狄生高次妃陳豐氏女曰慶都生放勳次妃姬

訾氏女曰常儀生帝摯也

生放勳

正義放音方往反勳亦作勳音許云反言堯能放上代之功故曰放

勳謚堯姓伊祁氏帝紀云帝堯陶唐氏祁姓也母慶都十四月生堯

娶姬訾氏女生摯

索隱

案皇甫謐云女名常儀也

帝嘗崩

集解皇甫謐曰在位七十年年百五歲皇

正義姬足湏反訾音移反

而摯代立帝摯立不善崩

索隱古本

陽頓丘城南臺陰野中作不著音張慮反俗本作不善不善謂微弱不著猶不著明衛宏云摯立九年而唐侯德盛因禪位焉正義帝

王紀云帝摯之母於四人中班最在下而摯於兄弟最長得登帝位封異母弟放勳為唐侯摯在位九年政微

弱而唐侯德盛諸侯歸之摯服其義乃率羣臣造唐而致禪唐侯自知有天命乃受帝禪乃封摯於高辛今定州唐縣也而弟放勳立是為帝堯

帝堯者

集解駟案謚法曰翼善傳聖曰堯索隱堯謚也放勳名帝嚳之子姓伊祁氏案皇甫謚云堯初

生時其母在三阿之南寄於伊長孺之家故從母所居為姓也正義徐廣云號陶唐帝王紀云堯都平陽於詩

為唐國徐才宗國都城記云唐國帝堯之裔子所封其北帝夏禹都漢曰太原郡在古冀州太行恒山之西其

南有晉水括地志云今晉州所理平陽故城是也平陽河水一名晉水也放勳
集解徐廣曰號陶唐皇甫

謚曰堯以甲申歲生甲辰即帝位甲午徵舜甲寅舜代行天子事辛巳崩年百十八在位九十八年其仁

如天

索隱如天之涵養也

其知如神

索隱如神之微妙也

就之如日

索隱如日之照

臨人咸依就之若葵

望之如雲

索隱如雲之覆渥言德化廣大而浸潤生人人

咸仰望之故曰如

富而不驕貴而不舒

索隱舒猶慢也大戴禮作不豫

黃收純衣

集解徐廣曰純一作絞駟案太古冠冕圖云夏名冕曰收禮記曰野夫黃冠鄭玄曰純衣

士之祭服索隱收冕名其色黃故曰黃收象古質素也純讀曰緇

彤車乘白馬能明馴

德

集解徐廣曰馴古訓字索隱史記馴字徐廣皆讀曰訓訓順也言聖德能順人也案尚書作俊德孔安國

云能明用俊德之士與此文意別也

以親九族九族既睦便章百姓

集解徐廣

曰下云便程東作然則訓平為便也駟案尚書並作平字孔安國曰百姓百官鄭玄曰百姓羣臣之父子兄弟

索隱古文尚書作平此文蓋讀平為浦耕反平既訓便因作便章其今文作辯章古平字亦作便音婢緣反便

則訓辯遂為辯章
鄒誕生本亦同也
百姓昭明合和萬國乃命羲和孔安

國曰重黎之後羲氏和氏世掌天地之官正義呂刑傳

云重即義黎即和雖別為氏族而出自重黎也按聖人

不獨治必須賢輔乃命相天地敬順昊天正義敬猶恭

之官若周禮天官卿地官卿也敬順昊天勤也元氣昊

然廣大故云昊天釋天云春為蒼天夏為昊天秋為昊

天冬為上天而獨言昊天者以堯能敬天大故以昊天

言數法日月星辰正義歷數之法日之甲乙月之大小

之數法日月星辰昏明遞中之星日月所會之辰定其

天數以為敬授民時索隱尚書作歷象日月則此言數

一歲之歷敬授民時法是訓歷象二字謂命羲和以歷

數之法觀察日月星辰之早晚以敬授人時也正義尚

書考靈耀云主春者張昏中可以種種稷主夏者火昏中

可以種黍菽主秋者虛昏中可以種麥主冬者昴昏中

可以收斂也天子視四星之中知民緩急故云敬授民

時分命羲仲居郁夷曰暘谷

集解駟案尚書作嵎夷孔安國曰東表之地稱嵎夷

日出於暘谷羲仲治東方之官索隱史記舊本作湯谷今並依尚書字案淮南子曰日出湯谷浴於咸池則湯谷亦有他證明矣又下曰昧谷徐廣云一作柳柳亦日入處地名太史公博採經記而為此史廣記異聞不必皆依尚書蓋郁夷亦地之別名也正義郁音隅陽或作暘禹貢青州云嵎夷既略按嵎夷青州也堯命羲仲理東方青州嵎夷之地日所出處名曰陽明敬道日出便之谷羲仲主東方之官若周禮春官卿

程東作

集解孔安國曰敬道出日平均次序東作之事以務農也索隱劉伯莊傳皆依古史作平秩音

然尚書大傳曰辨秩東作則是訓秩為程言便課其作程者也正義道音導便程並如字後同導訓也三春主東故言日出耕作在春故言東作命羲

仲恭勤道訓萬民東作之事使有程期

日中星鳥以殷

中春

集解孔安國曰日中謂春分之日也鳥南方朱鳥七宿也殷正也春分之昏鳥星畢見以正仲春之

氣節轉以推孟季則可知也

其民析鳥獸字微

集解孔安國曰

正義下中音仲夏秋冬並同

申命義叔

居南交

集解孔安國曰夏與春交此治南方之官也索隱孔註未是然則冬與秋交何故下無其文且

東嶠夷西昧谷北幽都三方皆言地而夏獨不言地乃

云與春交斯不例之甚也然南方地有名交趾者或古

文略舉一字名地南交則是交趾不疑也

便程南為敬

致集解孔安國曰為化也平序分南方化育之事敬行

其教以致其功也索隱為依字讀春言東作夏言南

為皆是耕作營為勸農之事孔安國強讀為訛字雖則

訓化解釋亦甚紆回也正義

史記

十五

勤民事致其種
殖使有程期也

日永星火以正中夏

集解孔安國曰永長也謂夏至之日

火蒼龍之中星舉中則七星見可知也以正中夏之
節馬融王肅謂日長晝漏六十刻鄭玄曰五十五刻其

民因鳥獸希革

集解孔安國曰因謂老弱因就在田之
丁壯以助農也夏時鳥獸毛羽希少改

易也革

申命和仲居西土

集解徐廣曰一無土字以為
西者今天水之西縣也駟案

鄭玄曰西者隴西之
西今人謂之兌山

曰昧谷

集解徐廣曰一作柳谷駟
案孔安國曰日入于谷而

天下冥故曰昧谷此居治西方之官掌秋天之
政也正義和仲主西方之官若周禮秋官卿也敬道日

入便程西成

集解孔安國曰秋
西方萬物成也

夜中星虛以正中秋

集解

孔安國曰春言日秋言夜互相備也虛玄武之中星亦
言七星皆以秋分日見以正三秋也索隱虛舊依字讀

而鄒誕生音墟案虛星其民夷易鳥獸毛毳集解孔安主墳墓鄒氏頗得其理國曰夷平

也老壯者在田與夏平也申命和叔居北方曰幽都集解

孔安國曰北稱幽都謂所聚也索隱案山海經曰北海之內有山名幽都蓋是也正義按北方幽州陰聚之地

命和叔居理之北方便在伏物索隱使和叔察北方藏之官若周禮冬官卿便

冬皆藏伏尸子亦曰北方者伏方也尚書作平在朔易今案大傳云便在伏物太史公據之而書日短

星昴以正中冬集解孔安國曰日短冬至之日也昴白虎之中星亦以七星並見以正冬節也

馬融王肅謂日短晝漏四其民燠鳥獸毳毛集解徐廣十刻鄭玄曰四十五刻曰毳音茸

駟案孔安國曰民入室處鳥歲三百六十六日以閏月獸皆生毳毳細毛以自溫也

正四時

索隱夫周天三百六十五度四分度之一是天度數也而日行遲一歲一周天月行疾一月一

周天日一日行一度月一日行十三度十九分度之七至二十九日半彊月行天一匝又逐及日而與會一年十二會是為十二月每月二十九日過半年分出小月六日是每歲餘六日又大歲三百六十六日小歲三百六十五日是舉全數云六十六日其實一歲唯餘十一日弱未滿三歲已成一月則置閏若三年不置閏則正月為二月九年差三月則以春為夏十七年差六月則四時皆反以此四時不正歲不成矣故傳曰歸餘於終事則不悖

信飭百官

集解徐廣曰古勅字

衆功皆興堯曰誰可順此事

正義言將登用之嗣位也

放齊曰嗣子丹朱開明

集解孔安國曰放齊臣名正義放音

方往反鄭玄云帝堯胤嗣之子名曰丹朱開明也按開解而達也帝王紀云堯娶散宜氏女曰女皇生丹朱汲

冢紀年云后稷放帝子丹朱范汪荊州記云丹水縣在丹川堯子朱之所封也括地志云丹水故城在鄧州內鄉縣西南百三十里丹水故為縣堯曰吁頑凶不用

集解孔安國曰吁疑怪之辭正義左

傳云口不道忠信之言為嚚心不則德義之經為頑凶訟也言丹朱心既頑嚚又好爭訟不可用之堯又

曰誰可者謹堯曰共工旁聚布功可用

集解孔安國曰謹堯臣名鄭玄

曰共工水官名正義堯音升侯反

堯曰共工善言其用僻似恭漫天不

可

正義漫音莫干反共工善為言語用意邪僻也似於恭敬罪惡漫天不可用也

堯又曰嗟四

嶽

集解鄭玄曰四嶽四時官主方嶽之事正義嗟嘆鴻水問四嶽誰能理也孔安國云四嶽即上義和四子

也分掌四嶽之諸侯故稱焉

湯湯洪水滔天浩浩懷山襄陵

集解孔安國曰

懷包襄上也正義湯音商今讀如字蕩蕩廣平之貌言水奔突有所滌除地上之物為水漂流蕩蕩然按懷藏包裏之義故懷為包釋言以襄為駕駕乘牛馬皆在上也言水襄上乘陵浩浩盛大勢若漫天下民其

憂有能使治者皆曰鯀可

集解馬融曰鯀臣名禹父

堯曰鯀負命毀

族不可

正義負音佩依字通負違也族類也鯀性狼戾違負教命毀敗善類不可用也詩云貪人敗類

也嶽曰異哉試不可用而已

正義異音異孔安國云異已也退也言餘人盡已唯

鯀可試無成乃退

堯於是聽嶽用鯀九載功用不成

正義爾雅釋天云載

歲也夏曰祀周曰年唐虞曰載李巡云各自紀事不相襲也孫炎云歲取星行一次也祀取四時祭祀一訖也年取年穀一熟也載取萬物始更終也載者年之別名故以載為年也按功用不成水害不息故放退也至明

年得舜乃殛之羽堯曰嗟四嶽朕在位七十載汝能庸

命踐朕位

集解鄭玄曰言汝諸侯之中有能順事用天命者入處我位統治天子之事者乎正義孔

安國云堯年十六以唐侯升為天子在位七十載時八十六老將求代也嶽應曰鄙德忝帝

位

正義四嶽皆云鄙里無德若便行天子事是辱帝位言己等不堪也堯曰悉舉貴戚及

疏遠隱匿者衆皆言於堯曰有矜在民間曰虞舜集解孔安

國曰無妻曰矜堯曰然朕聞之其何如嶽曰盲者子父

正義矜古頑反頑母嚚弟傲能和以孝烝烝治不至姦集解孔安國曰

義烝之升反進也言父頑母嚚弟傲舜皆和以孝進之於善不至於姦惡也堯曰吾其試哉

正義欲以二女試舜觀其理家之道也

於是堯妻之二女

正義妻音七計反二女娥皇女

英也娥皇無子女英生商均舜升天子娥皇為后女英為妃

觀其德於二女

正義視其為德

行於二女以理家而觀國也

舜飭下二女於媯汭

集解孔安國曰舜所居媯水之汭索

隱列女傳云二女長曰娥皇次曰女英系本作女瑩大戴禮作女匭皇甫謐云媯水在河東虞鄉縣歷山西汭水

汭也猶洛汭渭汭然也正義飭音勅下音胡亞反汭音為舜能整齊二女以義理下二女之心於媯汭使行婦

道於虞氏也括地志云媯源汭水出蒲州河東南山許慎云水汭曰汭按地記云河東郡青山東山中有二泉

下南流者媯水北流者汭水二水異原合流出谷西注河媯水北曰汭也又云河東縣二里故蒲坂城舜所都

也城中有舜廟城外有舜宅及二妃壇

如婦禮堯善之乃使舜慎和五典

集解鄭玄曰五典五教也蓋試以司徒之職

五典能從乃徧入百官百官時

序賓於四門四門穆穆諸侯遠方賓客皆敬

集解馬融曰四門四

方之門諸侯羣臣朝者舜賓迎之皆有美德也

堯使舜入山林川澤暴風雷雨

舜行不迷

索隱尚書云納于大麓穀梁傳云林屬於山曰麓是山足曰麓故此以為入山林不迷孔

氏以麓訓錄言令舜大錄萬機之政與此不同

堯以為聖召舜曰女謀事至而

言可績三年矣

集解鄭玄曰三年者賓四門之後三年也

女登帝位舜讓於

德不懌

集解徐廣曰音亦今文尚書作不怡怡懌也索隱古文作不嗣今文作不怡怡即懌也謂辭讓

於德不堪所以心意不悅懌也

正月上日

集解馬融曰上日朔日也正義鄭玄云帝王易代莫不改

正建朔舜正建子此時未
改故依堯正月上日也

舜受終於文祖文祖者堯大

祖也

集解鄭玄曰文祖者五府之大名猶周之明堂索隱尚書帝命驗曰五府五帝之廟蒼曰靈府赤曰

文祖黃曰神斗白曰顯紀黑曰玄矩正義舜受堯終帝之事於文祖也尚書帝命驗云帝者承天立府以尊天重象也五府者唐虞謂之五府夏謂之世室殷謂之重屋周謂之明堂皆祀五帝之所也文祖者赤帝熒怒之府名曰文祖火精光明文章之祖故謂之文祖周曰明堂神斗者黃帝含樞紐之府名曰神斗斗主也土精澄靜四行之主故謂之神斗周曰太室顯紀者白帝招拒之府名顯紀紀法也金精斷割萬物故謂之顯紀周曰總章玄矩者黑帝汁光紀之府名曰玄矩矩法也水精玄昧能權輕重故謂之玄矩周曰玄堂靈府者蒼帝靈威仰之府名曰靈

府周曰青陽

於是帝堯老命舜攝行天子之政以觀

天命舜乃在璿璣玉衡以齊七政

集解鄭玄曰璿璣玉衡渾天儀也七政日

月五星也正義說文云璿璣玉衡以正天文璣為運轉衡為橫蕭運自安更以璿璣玉衡以正天文璣為運轉衡為橫蕭運璣使動於下以衡望之是王者正天文器也觀其齊與不齊今七政齊則已受禪為是蔡邕云玉衡長八尺孔徑一寸下端望之以視星宿蓋縣璣以象天而以衡望之轉璣窺衡以知星宿璣徑八尺圓周二尺五寸而強也鄭玄云運轉者為璣持正者為衡尚書大傳云政者齊中也謂春秋冬夏天文地理人道所以為政也道正而萬事順成故**遂類於上帝**集解鄭玄曰禮祭上帝於天道政之大也**遂類於上帝**圓丘正義五經異義云非時祭天謂之類言以事類告也時舜告攝非常祭也王制云天子將出類于上帝鄭玄云昊天上帝謂天皇大帝北辰**禋于六宗**集解鄭玄曰六宗星辰司中司命風之星**禋于六宗**集解鄭玄曰六宗義衆矣愚謂鄭

說為長正義周語云精意以享曰禋也孫炎云禋潔敬之祭也按星五星緯也辰日月所會十二次也司中司命文昌第五第四星也風師箕星也雨師畢星也孔安國云四時寒暑也日月星也水旱也禮祭法云埋少牢於大昭祭時也禋祈於坎壇祭寒暑也王官祭日也夜明祭月也幽禋祭星也雩禋祭水旱也司馬彪續漢書云安帝立六宗祀於洛陽城西北亥地禮比大社魏因之至晉初荀顗言新祀以六宗之神諸家說不同乃廢之望于山川正義望者遙望而祭山川也山川辯於羣

神集解徐廣曰辯音班駟案鄭玄曰羣神若丘陵墳衍正義辯音通謂祭羣神也揖五瑞擇吉

月日見四嶽諸牧班瑞集解馬融曰揖斂也五瑞公侯伯子男所執以為瑞信也堯將

禪舜使羣牧斂之使舜親往班之正義揖音集周禮典瑞云王執鎮圭尺二寸公執桓圭九寸侯執信圭七寸

伯執躬圭五寸子執穀璧男執蒲璧皆五寸言五瑞者王不在中也孔文祥云宋末會稽脩禹廟於廟庭山土中得五等圭璧百餘枚形與周禮同皆短小此即禹會諸侯於會稽執以禮山神而理之其璧今猶有在也

歲二月東巡狩至於岱宗柴

集解馬融曰舜受終後五年之二月鄭玄曰建邠之

月也柴祭東嶽者考績柴燎也正義按既班瑞羣后即東巡者守土之諸侯會岱宗之嶽焚柴告至也王者巡狩以諸侯自專一國威福任已恐其壅遏上命澤不下流故巡行問人痛苦也風俗通云太山之尊者一曰岱宗始也長也萬物之始陰陽交代故為五岳望秩於山之長也按二月仲月也仲中也言得其中也遂見東方

川正義乃以秩望祭東方諸侯境內之名山

君長合時月正日

集解鄭玄曰協正四時之月數及日名備有失悞正義既見東方君長乃

合同四時氣節月之大小日之甲乙使齊一也周禮太史掌正歲年以序事頒正朔於邦國則節氣晦朔皆天子頒之猶恐諸侯國異或同律度量衡集解鄭玄曰同音律度丈尺量

斗斛衡斤兩也正義律之十二律度之丈尺量之斗斛衡之斤兩皆使天下相同無制度長短輕重異也漢律歷志虞書云同律度量衡所以齊遠近立民信也律有十二陽六為律陰六為呂律以統氣類物一曰黃鍾二曰太簇三曰姑洗四曰蕤賓五曰夷則六曰無射呂以旅陽宣氣一曰林鍾二曰南呂三曰應鍾四曰大呂五曰夾鍾六曰中呂度者分寸尺丈引也所以度長短也本起黃鍾之長以子穀秬黍中者一黍之起積千二百黍之廣度之九十分一為一分十分為寸十寸為尺十尺為丈十丈為引而五度審矣量者龠合升斗斛也所以量多少也本起黃鍾之龠以子穀秬黍中者千有二百實為一龠合龠為合十合為升十升為斗十斗為斛

而五量嘉矣衡權者銖兩斤鈞石也所以稱物輕重也
本起於黃鍾之重一龠容千二百黍重十二銖二十四
銖為兩十六兩為斤三十斤為鈞四脩五禮集解馬融
鈞為石而五權謹矣衡平也權重也
軍嘉也正義周禮以吉禮事邦國之鬼神祇以凶禮哀
邦國之憂以賓禮親邦國以軍禮同邦國以嘉禮親萬
民也尚書堯典云類于上帝吉禮也如喪考妣凶禮也
羣后四朝賓禮也大禹謨云汝徂征軍禮也堯典云女
于時嘉禮也五玉集解鄭玄曰即五瑞也三帛集解馬融曰三
女音女慮反執之曰瑞陳列曰玉
孤所執也鄭玄曰帛所以薦玉也必三者高陽氏後用
赤繒高辛氏後用黑繒其餘諸侯皆用白繒正義孔安
國云諸侯世子執纁公之孤執玄附庸之君執黃也按
三統紀推伏羲為天統色尚赤神農為地統色尚黑黃
帝為人統色尚白少昊黃帝子亦尚白故二生正義羔
高陽氏為天統亦尚赤堯為人統故用白鴈也鄭

玄注周禮大宗伯云羔小羊也取其羣不失其類也鴈取其候時而行也卿執羔大夫執鴈按羔鴈性馴可生

為一死

正義雉也馬融云一死雉士所執也按雉不為

摯

集解馬融曰摯二生羔鴈卿大夫所執一死雉士所執正義摯音至摯執也鄭玄云贊之言至所以自致

也韋昭云贊六贊孤執皮帛卿執羔大夫執鴈士執雉庶人執鶩工商執鷄也如五器卒乃復

馬融曰五器上五玉五禮終則還之三五月南巡狩帛已下不還也正義卒音子律反復音伏

八月西巡狩十一月北巡狩皆如初歸至于祖禰廟

禰音乃禮反何休云生用特牛禮五歲一巡狩羣后四

朝集解鄭玄曰巡狩九年諸侯見於方嶽之徧告以言下其間四年四方諸侯分來朝於京師也

正義徧音遍言徧告明試以功車服以庸正義孔安國云功成則錫

天子治理之言也

車服以表顯肇十有二州決川集解馬融曰禹平水土其能用也

廣大分置并州燕齊遼遠分燕置幽州分齊為營州於是為十二州也鄭玄曰更為之定界濬水害也

象以典刑集解馬融曰言咎繇制五常之刑無犯之者但有其象無其人也正義孔安國云象法也法用

常刑用不越法也流宥五刑集解馬融曰流放宥寬也一曰幼

刑刑宮大辟正義孔安國云以流放之法寬五刑也鞭作

官刑集解馬融曰為辨扑作教刑集解鄭玄曰扑撻楚治官事者為刑也

金作贖刑集解馬融曰金黃金也意善功責裁過赦集

鄭玄曰昔裁為人作患害者也過失雖有害則赦之

怙終

集解徐廣曰一作衆

賊刑

集解鄭玄曰怙

其姦邪終身以為

欽哉欽哉惟刑之靜哉

集解徐廣曰今文云惟刑

之謚哉爾雅曰謚靜也索隱案古文作恤哉

謹堯進言

共工

正義謹堯渾沌也共工窮奇也鯀檮杌也三苗饗

也

堯曰不可而試之工師

正義工師若今大匠卿也

共工果淫辟

正義

反亦

四嶽舉鯀治鴻水堯以為不可嶽彊請試之試之

而無功故百姓不便三苗在江淮荊州

集解馬融曰三苗國名也正義

左傳云自古諸侯不用王命虞有三苗夏有觀扈孔安國云緡雲氏之後為諸侯號饗饗也吳起云三苗之國

左洞庭而右彭蠡按洞庭湖名在岳州巴陵西南一里南與青草湖連彭蠡湖名在江州潯陽縣東南五十二里以天子在北故洞庭在西為左彭蠡在東為右今江州鄂州岳州三苗之地也淮讀曰匪音胡罪反今彭蠡湖也本屬荊州尚書云南入數為亂於是舜歸而言於于江東匯澤為彭蠡是也

帝請流共工于幽陵

集解馬融曰幽陵北裔也正義尚書及大戴禮皆作幽洲括地志云

故冀城在檀州燕樂縣界故老傳云舜流共工幽洲居此城神異經云西北荒有人焉人而朱髯蛇身人手足而食五穀禽獸以變北狄

集解徐廣曰變一作變索隱變謂變其形及衣服同於夷

狄也徐廣云作變變和也正義言四凶流四裔各於四夷放共工等為中國之風俗也放驩堯於

崇山

集解馬融曰崇山南裔也正義神異經云南方荒中有人焉人面鳥喙而有翼兩手足扶翼而行食

海中魚為人恨惡不畏風雨以變南蠻遷三苗於三危

禽獸犯死乃休名曰謹兇也

以變南蠻遷三苗於三危

集解馬融曰三危西裔也正義括地志云三危山有峰

故曰三危俗亦名卑羽山在沙州燉煌縣東南三十里

神異經云西荒中有人焉而目手足皆人形而胫下有

翼不能飛為人饕餮淫逸無理名曰苗民又山海經大

荒北經云黑水之北有以變西戎殛鯀於羽山集解馬

人有翼名曰苗民也以變西戎殛鯀於羽山融曰殛

誅也羽山東裔也正義殛音紀力反孔安國云殛竄放

流皆誅也括地志云羽山在沂州臨沂縣界神異經云

東方有人焉人形而身多毛自解水土知以變東夷四

通塞為人自用欲為欲息皆曰云是鯀也以變東夷四

臯而天下咸服堯立七十年得舜二十年而老令舜攝

行天子之政薦之於天堯辟位凡二十八年而崩

集解徐廣

曰堯在位凡九十八年駟案皇覽曰堯家在濟陰城陽
劉向曰堯葬濟陰丘隴山呂氏春秋曰堯葬穀林皇甫
謐曰穀林即城陽堯都平陽於詩為唐國正義皇甫謐
云堯即位九十八年通緯攝二十八年也凡年百一十
七歲孔安國云堯壽百一十六歲括地志云堯陵在濮
州雷澤縣西三里郭緣生述征記云城陽縣東有堯家
亦曰堯陵有碑是也括地志
百姓悲哀如喪父母三年

四方莫舉樂

正義尚書三載四海過密八音是也

以思堯堯知子丹朱之

不肖不足授天下

索隱鄭玄曰肖似也不似言不如人也皇甫謐云堯娶散宜氏之女曰女

皇生丹朱又有庶子九人皆不肖也

於是乃權授舜

索隱父子繼立常道也求賢而禪權道也

權者反常而合道正義五帝官

授舜則天下得其利而

丹朱病授丹朱則天下病而丹朱得其利堯曰終不以天下之病而利一人而卒授舜以天下堯崩三年之喪

畢舜讓辟丹朱於南河之南

集解劉熙曰南河九河之最在南者正義括地志云

故堯城在濮州鄆城縣東北十五里竹書云昔堯德衰為舜所囚也又有偃朱故城在縣西北十五里竹書云舜囚堯復偃塞丹朱使不與父相見也按濮州北臨濮大川也河在堯都之南故曰南河禹貢至于南河是也其偃朱城所居即舜讓避丹朱於南河之南處也諸侯朝覲者不之丹朱而之

舜獄訟者不之丹朱而之舜謳歌者不謳歌丹朱而謳

歌舜舜曰天也夫而後之中國踐天子位焉

集解劉熙曰天子之

位不可曠年於是遂反格於文祖而
當帝位帝王所都為中故曰中國
是為帝舜

虞舜者

集解駢案謚法曰仁聖盛明曰舜索隱虞國名在河東大陽縣舜謚也皇甫謐云舜字都君也

正義括地志云故虞城在陝州河北縣東北五十里虞山之上鄴元注水經云轆轤橋東北有虞城堯以女嬪于虞之地也又宋州虞城大襄國所封之邑杜預云舜後諸侯也又越州餘姚縣顧野王云舜後支庶所封之地舜姚姓故云餘姚縣西七十里有姚丘即舜所生也周處記云舜上虞人去虞三十里有姚丘即舜所生也周處風土記云舜東夷之人生姚丘括地志又云姚墟在濮州雷澤縣東十三里孝經援神契云舜生於姚墟按二所未名曰重華集解徐廣曰皇甫謐云舜以堯之二十

詳也

名曰重華

一年甲子生三十一年甲午徵用七十

九年壬午即真百歲癸卯崩正義尚書云重華協於帝孔安國云華謂文德也言其光又重合於堯瞽瞍姓姁

妻曰握登見大虹意感而生舜於姚墟故姓姚目重瞳子故曰重華字都君龍顏大口黑色身長六尺一寸

重華父曰瞽叟

正義先后反孔安國云無目曰瞽舜父有目不能分別好惡故時人謂之瞽配

字曰叟叟無目之稱也

瞽叟父曰橋牛

正義橋又音嬌

橋牛父曰句望

正義

句古侯反望音亡

句望父曰敬康敬康父曰窮蟬窮蟬父曰帝

顓頊顓頊父曰昌意以至舜七世矣自從窮蟬以至帝

舜皆微為庶人舜父瞽叟盲而舜母死

索隱皇甫謐云舜母名握登生

舜於姚墟因姓姚氏也

瞽叟更娶妻而生象象傲瞽叟愛後妻子

常欲殺舜舜避逃及有小過則受罪順事父及後母與

第曰以篤謹匪有懈舜冀州之人也

正義蒲州河東縣本屬冀州宋永初

山川記云蒲坂城中有舜廟城外有舜宅及二妃壇括地志云媯州有媯水源出城中耆舊傳云即舜釐降二

女於媯汭之所外城中有舜井城北有歷山舜耕歷山

集解鄭玄曰在河東正義括地志云蒲州河東縣雷首

山一名中條山亦名歷山亦名首陽山亦名蒲山亦名

襄山亦名甘泉山亦名猪山亦名狗頭山亦名薄山亦名

吳山此山西起雷首山東至吳坂凡十一名隨州縣

分之歷山南有舜井又云越州餘姚縣有歷山舜井濮

州雷澤縣有歷山舜井二所又有姚墟云生舜處也及

媯州歷山舜井皆云漁雷澤集解鄭玄曰雷夏兗州澤

舜所耕處未詳也今屬濟陰正義括地志云

雷夏澤在濮州雷澤縣郭外西北山海經陶河濱集解

云雷澤有雷神龍首人頽鼓其腹則雷也皇甫

次定四車人書

史記

二十七

謚曰濟陰定陶西南陶丘亭是也正義按於曹州濱河

作瓦器也括地志云陶城在蒲州河東縣北三十里即

舜所都也南去歷山不遠或陶所在則可作什器於壽

何必定陶方得為陶舜之陶也斯或一焉

丘集解皇甫謐曰在魯東門之北索隱什器什數也蓋

丘地名黃帝生處正義壽音受顏師古云軍法五人為

伍二伍為什則共器物故謂生生之具為什器亦猶從

軍及作役者十人就時於負夏集解鄭玄曰負夏衛地

為火共畜調度也就時於負夏索隱就時猶逐時若言

乘時射利也尚書大傳曰販於頓丘

就時負夏孟子曰遷於負夏是也

弟象傲皆欲殺舜舜順適不失子道兄弟孝慈欲殺不

可得即求嘗在側舜年二十以孝聞三十而帝堯問可

用者

正義可用謂可為天子也

四嶽咸薦虞舜曰可於是堯乃以二

女妻舜以觀其內使九男與處以觀其外舜居媯汭內

行彌謹堯二女不敢以貴驕事舜親戚

正義親戚謂父

妹顯手等也

顯音古果反

甚有婦道堯九男皆益篤

正義篤惇也非唯二女恭勤婦

道九男事舜皆

益惇厚謹敬也

舜耕歷山歷山之人皆讓畔

正義韓子歷云農相

侵畔舜往耕耕

年耕者讓畔也

漁雷澤雷澤上人皆讓居陶河濱河濱

器皆不苦窳

集解史記音義曰音游甫反窳謂窳病也正義苦讀如鹽音古鹽窳也窳音庾一

年而所居成聚

正義聚在喻反謂村落也

二年成邑三年成都

正義周禮

郊野法云九夫為井四井為邑四邑為丘四丘為甸四甸為縣四縣為都也

堯乃賜舜絺衣

與琴

正義絺勅遲反細葛布衣也鄒氏音竹几反

為築倉廩予牛羊瞽叟尚

復欲殺之使舜上塗廩瞽叟從下縱火焚廩舜乃以兩

笠自扞而下得不死

索隱言以笠自扞已身有似鳥張翅而輕下得不損傷皇甫謐

云兩繳繳笠類列女傳云二女教舜為工上廩是也正義通史云瞽叟使舜滌廩舜告堯二女女曰時其焚汝

鵲汝衣裳為工往舜既登廩得免去也

後瞽叟又使舜穿井舜穿井為匿

空旁出

集解劉熙曰舜以權謀自免亦大聖有神人之助也索隱空音孔列女傳所謂龍工入井是也

正義言舜潛匿穿孔旁從他井而出也通史云舜穿井又告二女二女曰去汝裳衣龍工往入井瞽叟與象下

土實井舜從他井出去也括地志云舜井在姚州懷戎縣西外城中其西又有一井者舊傳云並舜井也舜自中出帝王紀云河東有舜井未詳舜既入深瞽叟與象共下土實井舜

從匿空出去瞽叟象喜以舜為已死象曰本謀者象象

與其父母分

正義扶問反

於是曰舜妻堯二女與琴象取之

牛羊倉廩予父母象乃止舜宮居

正義宮即室也爾雅云室謂之宮禮云命

士以上父子異宮也

鼓其琴舜往見之象愕不懌曰我思舜正鬱

陶舜曰然爾其庶矣

索隱言汝猶當庶幾於友悌之情義也如孟子取尚書文又云惟茲

臣庶女其于予治蓋欲令象共我理臣庶也

舜復事瞽叟愛弟彌謹於是堯

乃試舜五典百官皆治昔高陽氏有才子八人世得其

利謂之八愷

集解賈逵曰愷和也索隱左傳史克對魯宣公曰昔高陽氏有才子八人蒼舒瞽叟

檮戴大臨厖降庭堅仲容叔達

高辛氏有才子八人世謂之八元

集解賈逵

曰元善也索隱左傳高辛氏有才子八人伯奮仲堪叔獻季仲伯虎仲熊叔豹季狸

此十六族者

世濟其美

索隱謂元愷各有親族故稱族也濟成也言後代成前代也

不隕其名至

於堯堯未能舉舜舉八愷使主后土

集解王肅曰君治九土之宜杜預曰

后土地也索隱禹為司空司空主土則禹在八愷之以中正義春秋正義云后君也天曰皇天地曰后土

揆百事莫不時序

正義言禹度九土之宜無不以時得其次序也

舉八元使布

五教于四方

索隱契為司徒司徒敷五教則契在八元之數也

父義母慈兄友

弟恭子孝內平外成

正義杜預云內諸夏外夷狄也按契作五常之教諸夏太平夷狄向

化也昔帝鴻氏有不才子

集解賈逵曰帝鴻黃帝也其苗裔謹堯也

掩義

隱賊好行凶慝天下謂之渾沌

正義慝惡也一本云天

即謹堯也言掩義事陰為賊害而好凶惡故謂之渾沌也杜預云渾沌不開通之貌神異經云崑崙西有獸焉其狀如犬長毛四足似羆而無爪有目而不見行不開有兩耳而不聞有人知往有腹無五藏有頸直短食徑過人有德行而往抵角有凶惡而行依憑之名渾沌又莊子云南海之帝為儻北海之帝為忽中央之帝為渾沌儻忽時相遇於渾沌之地渾沌待之甚善儻與忽謀欲報渾沌之德曰人皆有七竅以視聽食息此獨無有嘗試鑿之日

鑿一竅七日而渾沌死按言謹愷性似故號之也

少皞氏

集解服虔曰金天氏帝號

有不才

子毀信惡忠崇飾惡言天下謂之窮奇

集解服虔曰謂共工氏也其行

窮而好奇正義謂共工言毀敗信行惡其忠直有惡言語高粉飾之故謂之窮奇按常行終必窮極好諂諛奇異于人也神異經云西北有獸其狀似虎有翼能飛便

勦食人知人言語聞人鬪輒食直者聞人忠信輒食其

鼻聞人惡逆不善輒殺獸往饋之

顓頊氏有不才子不

名曰窮奇按言共工性似故號之

可教訓不知話言天下謂之橐杌

集解賈逵曰橐杌頑

也正義橐音道刀反杌音五骨反謂鰥也凶頑不可教訓不從詔令故謂之橐杌
按言無疇匹言自縱恣也神異經云西方荒中有獸焉其狀如虎而大毛長二尺人面虎足豬口牙尾長一丈八尺攪亂荒中名橐杌一名

傲很一名難訓按此三族世憂之至于堯堯未能去緡

言緡性似故號之

雲氏有不才子集解賈逵曰緡雲氏姜姓也炎帝之苗商當黃帝時在緡雲之官也正義今括

州緡雲縣蓋其所封也書云緡赤緡也謂三苗也言貪
飲食冒貨賄故謂之饕餮神異經云西南有人焉身多
毛上頭戴豕性很惡好息積財而不用善奪人穀
物強者畏羣而單名饕餮言三苗性似故號之

貪於

飲食冒于貨賄天下謂之饕餮天下惡之比之三凶

集解

杜預曰非帝子孫故別之以比三凶也

舜賓於四門

正義杜預云闕四門達四聰以賓衆賢也

乃流四凶族遷于四裔以御魑魅

集解賈逵曰四裔之地去王城四千里服

虔曰魑魅人面獸身四足好惑人山林異氣所生以為
人害正義御音魚呂反魑音丑知反魅音媚按御魑魅

恐更有邪詔之人故流放四凶以御之也故下云無凶人也於是四門辟言毋凶人

也舜入于大麓烈風雷雨不迷堯乃知舜之足授天下

堯老使舜攝行天子政巡狩舜得舉用事二十年而堯

使攝政攝政八年而堯崩三年喪畢讓丹朱天下歸舜

而禹臯陶契后稷伯夷夔龍垂益彭祖索隱彭祖即陸終氏之第三子

錢鏗之後後為大彭亦稱彭祖正義高姚二音臯陶字庭堅英六二國是其後也契音薛殷之祖也伯夷齊太

公之祖也夔巨龜反樂官也倭音垂亦作垂內言之官也益伯翳也即秦趙之祖彭祖自堯時舉用歷夏殷封

於大自堯時而皆舉用未有分職正義分音符問反又如字分謂封疆爵土

彭

也於是舜乃至於文祖謀于四嶽辟四門明通四方耳

目命十二牧論帝德行厚德遠佞人

正義舜命十二牧論帝堯之德又牧

之于民遠離邪佞之人言能如此則夷狄亦服從也

則蠻夷率服舜謂四嶽曰有

能奮庸

集解馬融曰奮明庸功也

堯堯之事者使居官相事皆曰伯

禹為司空可美帝功舜曰嗟然禹汝平水土維是勉哉

禹拜稽首讓於稷契與臯陶舜曰然往矣

集解鄭玄曰然其舉得其

人汝往居此官不聽其所讓也

舜曰棄黎民始饑

集解徐廣曰今文尚書作祖饑祖始也索

隱古文作阻饑孔氏以為阻難也祖阻聲相近未知誰得

汝后稷播時百穀

集解鄭玄曰時

讀曰時正義稷農官也播

舜曰契百姓不親五品不馴

集解鄭玄曰五品父母兄弟子也

王肅曰五品五常也正義馴音訓汝為司徒而敬敷五

教在寬

集解馬融曰五品之教

舜曰皋陶蠻夷猾夏

集解鄭玄曰猾夏侵亂中

國寇賊姦軌

集解鄭玄曰由內為姦起外為軌正義亦作宄

汝作士

集解馬融曰獄官之

長正義按若大理卿也

五刑有服五服三就

集解馬融曰五刑墨劓剕宮大辟三就謂

大罪陳諸原野次罪於市朝同族適甸師氏既服五刑當就三處正義孔安國云服從也言輕重之中正也按

墨點鑿其額涅以墨劓截鼻也剕刖足也宮

五流有度

淫刑也男子割勢婦人幽閉也大辟死刑也

正義度音徒洛反尚書作宅孔

安國云五刑之流各有所居也五度三居

正義按謂度其遠近為三

等之

維明能信

集解馬融曰謂在人議君不忍刑宥之居也

四裔次九州之外次中國之外常明其罪能使信服之

舜曰誰能馴予工

集解馬融曰謂

主百工之官也

皆曰垂可於是以垂為共工

集解馬融曰為司空共理百工之事

舜曰誰能馴予上下草木鳥獸

集解馬融曰謂原下謂隰

皆曰益

可於是以益為朕虞

集解馬融曰虞掌山澤之官名

益拜稽首讓于諸

臣朱虎熊羆

索隱即高辛氏之子伯虎仲熊也正義孔安國云朱虎熊羆二臣也垂益所讓四人

皆在元愷之中也

舜曰往矣汝諧遂以朱虎熊羆為佐

正義為正義為益之佐

也舜曰嗟四嶽有能典朕三禮

集解馬融曰三禮天神地祇人鬼之禮也鄭玄

曰天事地事人事之禮也

皆曰伯夷可舜曰嗟伯夷以汝為秩宗

集解

鄭玄曰主次秩尊卑正義若太常也漢書百官表云王莽太常曰秩宗依古也孔安國云秩序宗尊也主郊廟

之官也

夙夜維敬直哉維靜絜

正義靜清也絜明也孔安國云職典禮施政教使正

直而清明伯夷讓夔龍舜曰然

正義孔安國云然其推賢不許其讓也

以夔為

典樂教穉子

集解鄭玄曰國子也案尚書作胄子孔安國曰穉胄聲相近正義雅胄雉反孔安國

云胄長也謂元子以下至卿大夫子弟以歌詩蹈之舞之教長國子中和祇庸孝友

直而溫

集解

曰正直而色溫和

寬而栗

集解馬融曰寬大而謹敬戰栗也

剛而無虐簡而無

傲

正義孔安國云剛失之虐簡失之傲教之以防其失也

詩言意歌長言

集解馬融曰歌

所以長言詩之意也正義孔安國云詩聲依永律和聲

集解鄭玄曰聲之曲折又依長言聲中律乃為和也正

義孔安國云聲五聲宮商角徵羽也律為六律六呂十

二月之音氣也當八音能諧母相奪倫神人以和集解

依聲律和樂也曰祖考來格羣后德讓其一隅也正義八音金石絲竹

匏土革木也孔安國云倫理也八音能諧理不錯奪則

神人咸和命夔曰於予擊石拊石百獸率舞集解鄭玄

夔使勉也

不氏所養者也率舞言音和也正義於音鳥孔安國云

石磬音之清者拊亦擊也舉清者和則其餘皆從矣樂

史記

三

集解徐廣曰一云齊說珍行振驚衆駟案鄭玄曰所謂色取仁而行違是驚動我之衆臣使之疑惑正義偽音危睡反言畏惡利口讒說之人兼珍絕姦偽人黨恐其驚動我衆使龍過絕之出入其命維信實也此偽字太史公變尚書文也尚書偽字作行音下孟反言命汝為己畏忌有利口讒說之人珍絕無德行之官也

納言夙夜出入朕命惟信

正義孔安國云納言喉舌之官也聽下言納于上受上言

宣于下

舜曰嗟女二十有二人

集解馬融曰稷契皋陶皆居官久有成功但述

而美之無所復勅禹及垂已下皆初命凡六人與上十二牧四獄凡二十二人鄭玄曰皆格于文祖時所勅命

也敬哉惟時相天事

正義相視也舜命二十二人各敬行其職惟在順時視天所宜而行

也事三歲一考功三考絀陟遠近衆功咸興分北三苗

集解

鄭玄曰所竄三苗為西裔諸侯者猶為惡乃復分析流之此二十二人咸成厥功臯

陶為大理平

正義臯陶作士正平天下罪惡也

民各伏得其實伯夷主

禮上下咸讓垂主工師

正義工師若今大匠卿也

百工致功益主虞

山澤辟

正義婢亦反開也

棄主稷百穀時茂契主司徒百姓親

和龍主賓客遠人至十二牧行而九州莫敢辟違

正義禹九

州之民無敢辟違舜十二牧也

唯禹之功為大披九山

正義披音皮義反謂傍其山邊

以通通九澤決九河定九州各以其職來貢不失厥宜方

五千里至于荒服南撫交趾北發

索隱一句

西戎析枝渠廋

氏羌

索隱一句

北山戎發息慎

集解鄭玄曰息慎或謂之肅慎東北夷

東長鳥

夷

索隱此言帝舜之德皆撫及四方夷人故先以撫字總之北發當云北戶南方有地名北戶又按漢書北

發是北方國名今以北發為南方之國誤也此文省略

四夷之名錯亂西戎上少一西字山戎下少一北字長

字下少一夷字長夷也鳥夷也其意宜然今按大戴禮

亦云長夷則長是夷號又云鮮支渠搜則鮮支當此析

枝也鮮析音相近鄒氏劉氏云息並音肅非也且夷狄

之名古書不必皆同今讀如字也正義注鳥或作鳥括

地志云百濟國西南海中有大島十五所皆置邑有人

居屬百濟又倭國西南大海中島居凡百餘小國在京

南萬三千五百里按武

四海之內

正義爾雅云九夷八狄七戎六蠻謂之四

海

咸戴帝舜之功於是禹乃興九招之樂

索隱招音韶即舜樂蕭韶

九成故曰九招

致異物鳳皇來翔天下明德皆自虞帝始舜年

二十以孝聞年三十堯舉之年五十攝行天子事年五

十八堯崩年六十一代堯踐帝位

集解皇甫謐曰舜所都或言蒲阪或言平

陽或言蒲蒲今上谷也正義括地志云平陽今晉州城是也蒲今媯州城是也蒲坂今蒲州南二里河東縣界

蒲坂故城是也

踐帝位三十九年南巡狩崩於蒼梧之野葬於

江南九疑是為零陵

集解駉案皇覽曰舜家在零陵營浦縣其山九谿皆相似故曰九疑

傳曰舜葬蒼梧象為之耕禮記曰舜葬蒼梧三妃不從

或曰二妃葬衡山

舜之踐帝位載天子旗往朝父瞽叟夔夔唯

謹

集解徐廣曰和敬貌

如子道封弟象為諸侯

集解駟案孟子曰封之有庫音鼻正

義帝王紀云舜弟象封於有鼻括地志云鼻亭神在道縣北六十里故老傳云舜葬九疑象來至此後人立祠

名為鼻亭神輿地志云零陵郡應陽縣東有山山有象廟王隱晉書云此大泉陵縣北部東五里有鼻墟象所

封也舜子商均亦不肖

集解皇甫謐曰娥皇無子女英生商均正義譙周云以虞封舜子今

宋州虞城縣括地志云虞國舜後所封也或云封舜子均於商故號商均也舜乃豫薦禹於

天

索隱謂告天使之攝位也十七年而崩三年喪畢禹亦乃讓舜子

如舜讓堯子

正義括地志云禹居洛州陽城者避商均非時久居也諸侯歸之然

後禹踐天子位堯子丹朱舜子商均皆有疆土以奉先

祀

集解譙周曰以唐封堯之子以虞封舜之子索隱漢書律歷志云封堯子朱於丹淵為諸侯商均封虞在

梁國

今虞城縣也正義括地志云定州唐縣堯後所封宋州虞城縣舜後所封也

服其服禮樂

如之以客見天子

正義為天子之賓客也

天子弗臣示不敢專也

自黃帝至舜禹皆同姓而異其國號以章明德

集解徐廣曰外

傳曰黃帝二十五子其得姓者十四人虞翻云以德為

氏姓又虞說以凡有二十五人其二人同姓姬又十一

人為十一姓酉祁已滕歲任荀釐姑

故黃帝為有熊帝

嫫依是也餘十二姓德薄不紀錄

顓頊為高陽帝嚳為高辛帝堯為陶唐

集解韋昭曰陶唐皆國名猶湯

稱殷商矣張晏曰堯為唐侯國於中山唐縣是也

帝舜為有虞

集解皇甫謐曰舜嬪于虞因以

為氏今河東大陽
帝禹為夏后而別氏姓姁氏契為商

姓子氏

索隱禮緯曰禹母脩己吞薏苡而生禹因姓姁氏而契姓子氏者亦以其母吞黿子而生棄

為周姓姬氏

集解駟案鄭玄駢許慎五經異義曰春秋左傳無駢卒羽父請謚與族公問族於眾

仲衆仲對曰天子建德因生以賜姓胙之土而命之氏諸侯以字為氏因以為族官有世功則有官族邑亦如之公命以字為展氏以此言之天子賜姓命氏諸侯命族族者氏之別名也姓者所以統繫百世使不別也氏者所以別子孫之所出故世本之篇言姓則在上言氏則在下也

太史公曰

正義太史公司馬遷自謂也自敘傳云太史公曰先人有言又云太史公曰余聞之董生

又云太史公遭李陵之禍明太史公司馬遷自號也遷為太史公官題贊首也虞喜云古者主天官者皆上公

非獨遷

學者多稱五帝尚矣

索隱尚上也言久遠也然尚矣文出大戴禮

然尚

書獨載堯以來而百家言黃帝其文不雅馴

正義馴訓也謂百家

之言皆非典雅之訓

薦紳先生難言之

集解徐廣曰薦紳即縉紳也古字假借

孔子

所傳宰予問五帝德及帝繫姓

正義繫音奚計反

儒者或不傳

索隱五帝德帝繫姓皆大戴禮及孔子家語篇名以二者皆非正經故漢時儒者以為非聖人之言故多不傳也

學余嘗西至空峒

正義余太史公自稱也嘗曾也空峒山在原州平高縣西百里黃帝問道

於廣成子處

北過涿鹿

正義涿鹿山在媯州東南五十里東山側有涿鹿城即黃帝堯舜之都

漸於海南浮江淮矣至長老皆各往往稱黃帝堯舜之

處風教固殊焉總之不離古文者近是

索隱古文即帝德帝系二書也

近是聖人之說

予觀春秋國語其發明五帝德帝繫姓章矣

索隱

太史公言已以春秋國語古書博加考驗益以發明五帝德等說甚章著也

顧弟弗深考

集解

徐廣曰弟但也史說漢書見此者非一又左思蜀都賦曰弟如滇池而不詳者多以爲字誤學者安可不博觀

乎正義顧念也弟且也太史公言博考古文擇其言其表見之不虛甚章著矣思念亦且不須更深考論

所表見皆不虛

索隱言帝德帝系所有表見者皆不爲虛妄也

書缺有間矣

正義

言古文尚書缺失其間多矣而無說黃帝之語

其軼乃時時見於他說

索隱言古典殘

缺有年載故曰有間然帝皇遺事散軼乃時時旁見於他記說即帝德帝系等說也故已今採按而備論黃帝

已來事耳非好學深思心知其意固難為淺見寡聞道也余

并論次擇其言尤雅者故著為本紀書首

正義太史公據古文并諸

子百家論次擇其言語典雅者故著為五帝本紀在史記百三十篇書之首

索隱述贊曰帝出少典居于軒丘既代炎歷遂禽蚩尤高陽嗣位靜深有謀小大遠近莫不懷柔爰泊帝嚳列聖同休帝摯之弟其號放勳就之如日望之如雲郁夷東作昧谷西曠明駁仄陋玄德升聞能讓天下賢哉

二君

右述贊之體深所不安何者夫敘事美功合有首末懲惡勸善是稱褒貶觀太史公贊論之中或國有數君或士兼百行不能備論終始自可略申梗概遂乃頗取一事偏引一奇即為一篇之贊將為龜鏡誠所

不取斯亦明月之珠不能無類矣
今並重為一百三十篇之贊云

史記卷一

史記卷一考證

五帝本紀黃帝者正義亭亭在牟陰○牟陰漢唐皆無其縣漢地理志泰山郡鉅平縣下云有亭亭山祠然則牟陰是鉅平二字之誤又監本作封太山禪亭亭在牟陰推尋文義應複舉亭亭二字今添

而蚩尤最為暴莫能伐集解瓚曰孔子三朝記曰蚩尤庶人之貪者○周禮肆師疏亦引三朝記云庶人之强者與此異

又正義並獸身人語銅頭鐵額監本作銅鐵額○

臣照

按徐陵文銅頭鐵額興暴軒年頭字缺今添

遂禽殺蚩尤集解皇覽曰蚩尤冢在東平郡壽張縣闕
鄉城中高七丈○東平郡依後漢郡國志宜為東平
國水經注引此則竟作東郡闕鄉縣城郡國志注引
皇覽作闕城高七丈水經注引皇覽作高七尺

黃帝居軒轅之邱集解山海經曰在窮山之際西射之

南○

臣世駿

按山海經西山經曰軒轅之邱洵水出

馬南流注於黑水郭璞注黃帝居此邱娶西陵氏女
因號軒轅邱又海外西經曰軒轅之國在此窮山之
際在女子國北窮山在其北不敢西射畏軒轅之邱
郭璞注言敬畏黃帝威靈故不敢向西而射也集解
不引西山軒轅之邱而引海外軒轅之國為證已為
失誤至以西射為地名則尤誤之誤也

是為青陽集解太史公乃據大戴禮以嫫祖生昌意及

元鷺○

臣世駿

按戴德禮有孝昭冠辭則其後於太

史公明矣集解竟以為太史公乃據大戴禮疑有誤
青陽降居江水○大戴禮帝繫篇作降居泝水

昌意娶蜀山氏女曰昌僕○大戴禮帝繫篇作昌濮路
史後紀作景嫫

依鬼神以制義○制監本作制正義曰制古制字則本
文應作制明矣今改正

帝堯者放勳○臣德齡按柯維騏曰太史公本五帝德

以放勳重華文命為堯舜禹之名竊考堯紀放勳二

字似與堯典同旨言堯之功無所不至以為一篇總
冒至舜之名曰重華禹之名曰文命則名曰二字亦
可屬之當時頌美之詞不必為舜禹之命名也此論
似為得之

敬授民時正義尚書考靈耀云主春者張昏中可以種
稷主夏者火昏中可以種黍菽○尚書疏引書傳云
張昏中可以種穀火昏中可以種黍

便程南為敬致集解孔安國曰平序分南方化育之事

○尚書孔傳無分字

鳥獸毛毳集解孔安國曰毛更生曰毳理○尚書孔傳作毛更生整理

鳥獸毳毛集解孔安國曰鳥獸皆生毳毳細毛以自溫也○尚書孔傳毳作奕

九載功用不成○載監本作歲正義詳釋載字義則本文不得作歲也今改正

朕在位七十載汝能庸命踐朕位正義孔安國云堯年

十六以唐侯升為天子在位七十載時八十六老將求代也○徐孚遠曰據皇甫謐所記堯崩年百十八歲在位九十八年則是二十方即位也與此不同

舜乃在璿璣玉衡以齊七政○在監本訛為作今改正又正義璣徑八尺圓周二尺五寸而強○

臣照按尚

書疏作圓周二丈五尺而強徑一者圓三有奇徑八尺圓周豈當二尺五寸正義誤

至於岱宗崇正義風俗通云泰山之尊者一曰岱宗始

也長也○風俗通本文云岱始也宗長也

同律度量衡正義本起黃鐘之長以子穀秬黍中者一黍之起積千二百黍之廣度之九十分一為一分十分為寸○監本作本起黃鐘之管長以子穀秬黍中者一黍為一分十分為一寸

臣照

按今漢書律歷志

亦同此訛遂不可解宋史律志詳之今照宋史改

丹朱之不肖不足授天下○此下監本落於是乃權授舜句并索隱正義注今添

虞舜者正義宋州虞城大襄國所封之邑○大襄疑虞思二字之誤見路史國名紀

瞽叟父曰橋牛橋牛父曰句望句望父曰敬康敬康父曰窮蟬窮蟬父曰帝顓頊顓頊父曰昌意以至舜七世矣○路史餘論曰呂梁碑劉耽作碑中叙紀虞帝之世云舜祖幕幕生窮蟬窮蟬生敬康敬康生喬牛喬牛生瞽叟瞽叟產舜命禹行水道呂梁特此節完備為可攷質之於傳惟無句望且不言出自黃帝

陶河濱正義或陶所在則可○或陶上脫或耕二字語
見水經注言無地不可耕且陶也

歷山之人皆讓畔正義韓子歷云○歷字疑衍

使主后土集解杜預曰后土地也○左傳杜預注云后
土地官與此異

縉雲氏有不才子正義書云縉赤縉也○春秋疏云字
書云赤縉也此明脫字字

禹臯陶契后稷伯夷夔龍垂益彭祖○
臣德齡
按自禹

至彭祖為十人而下文叙其分職則惟九官而無彭祖又下文舜曰嗟汝二十有二人注引書傳謂四岳九官十二牧也亦無彭祖竊疑彭祖二字是衍文

冠賊姦軌集解鄭元曰由內為姦起外為軌○尚書孔傳曰在外曰奸在內曰宄蓋本成十七年傳文與鄭義相反

於是以垂為共工集解馬融曰為司空共理百工之事○徐孚遠曰是時禹為司空宅百揆垂何得亦為司

空抑禹自宅揆解司空之職以授垂耶將共工別為一官與司空分職而馬說誤耶

教穉子集解孔安國曰穉曹聲相近○今尚書孔傳無此語

於是禹乃興九招之樂○

臣德齡

按禹字疑當作夔字

蓋夔為典樂之官而禹無作樂之事九招樂作致異物鳳凰來翔不歸其功於夔不可其叙二十二人之成功除四岳無有分職不叙外而獨遺典樂之夔亦

不可且其叙禹於諸臣之後者以禹之功為最大也而大樂之作所以告成功故又叙夔於禹之後其次序固秩然不紊也夏本紀舜德大明於是夔行樂一段尤可為夔字明證

封弟象為諸侯正義王隱晉書云此大泉陵縣北部東五里有鼻墟○此大泉三字疑是零陵二字之誤

孔子所傳宰予問五帝德及帝繫姓○監本誤將下文索隱五帝德帝繫姓皆大戴禮云云複見於此標作

正義今刪

史記卷一考證